

D· ERASMI RO=

TERODAMI COMMENTARIUS IN

PSALMVM, Q VARE FRE'

MVERVNT GENTES.



Rius quām aggrediamur enarrationē huius psalmi, quemadmodum non arbitror abs re fore, ita nō debet esse molestum studioso lectori, si pauca præfabimur. Primū de ordine eius, mox de titulo, deinde de argumēto. Apud Hebræos psalmi

ordinem quidem suum habent, quem Esdras illis tribuisse traditur, qui eandem operam præstiterit in hymnis Hebræorū mysticis, quam Aristarchus præstitit in rhapsodijs Homericarum cantionū. Cæterum quū ordo constet apud Hebræos & Septuaginta, quid in digerendo sequutus sit Esdras non satis liquet, quum illud res ipsa loquatur, illum nec autorum dignitatem

u ætatis ue

*Ordo psal
morum.*



ætatis ue. nec historiæ aut argumentorum tempora sequutum fuisse,
 Nec in certos numeros, nec in uolumina digessisse psalmos, quum ex
 apostolorum citatione constet, unicum esse uolumen psalmorum, siue
 ut Hebræi uocant, hymnorum. Ferunt autem id, quod nec improbabili
 le est, ne rursus ordo semel ab Esdra traditus confunderetur ab inter-
 pretibus Septuaginta, singulis psalmis suum esse præfixum numerū.
 Dices mihi amice lector, si isthæc ita se habet, quid igitur scrupuli est:
 aut quir ista moues? Iam accipe. Quum extra controversiam sit, psal-
 mum Beatus uir apud Hebræos, Græcos, & Latinos, ordine primum
 tenere locum, tamen huic, quem nunc exponendum suscepimus, tituli
 principatum tribuunt. Sic enim à beato Paulo citatur in actis apostoli-
 cis capite decimotertio: Et nos uobis annūciamus eam, quæ ad patres
 nostros repromissio facta est, quoniam hanc deus adimpleuit filijs ue-
 stris, resuscitans Iesum, sicut & in psalmo primo scriptum est. Quanq; hinc
 in nostris codicibus mutata erat scriptura, & primus mutatus erat
 in sequundum, sed reclamantibus uno ore cunctis, qui commentarios
 ædiderūt in psalmos. Impiæ cuiusdam temeritatis est, hac ratione me-
 deri uelle, si quid aut non intelligitur nobis, aut offendit in diuinis li-
 teris. Itaq; veteres orthodoxi, qui sibi non permittebant tantudem iu-
 ris in eos libros, quorum oportet autoritatem omnibus inuiolabilem
 esse, uarijs modis conantur tueri scripturam, ut Apostoli citatio nō pu-
 gnet cum ipsa re. Ac diuus Hilarius multa præfatus de Septuaginta se-
 nioribus, quibus Moses uiua uoce tradiderit mysteria quædam legis,
 huc uidetur rem deducere, ut accipiamus à Septuaginta, qui mysterio-
 rum illorum non ignari fuerint, huic psalmo primi titulum esse tribu-
 tum, qui psalmos omnes apud Hebræos, etiam tum temporis indige-
 stos, confusosq; redegerint in ordinē, certisq; numeris digesserint. Pau-
 lus autem quoniam Hebræus ex Hebræis illic agebat cum Hebræis
 in ipsorū synagoga, quo maior esset citantis autoritas, maluit Hebræo-
 rum ordinem sequi, quam Septuaginta. Quod tametsi Paulo pro re
 præsentि tum licuit, nobis tamē nō arbitratur esse fas ab autoritate Se-
 ptuaginta recedere, qui psalmum hunc sequūdum esse uoluerunt, non
 primum. Non est cōsilia anxiæ disputare, in re non magni momenti,
 sanè quod ad religionem nostram ac pietatem attinet., sed ut paucis
 agam cum tanti præsulīs pace, largiamur tantum esse tribuendum au-
 toritati Septuaginta, quantum censet Hilarius, quam non ueritus est
 alicubi negligere diuus Hieronymus, & à qua multis in locis hodie dis-
 sentit publicus usus ecclesiæ catholicæ, quin probabile est etiam Hilarij
 tempore

tempore psalmos apud Hebræos, nullo neq; numero, neq; ordine digestos fuisse, quū huius rei nusquam meminerit Hieronymus, ne tum quidem, quum translationem Septuaginta ad Hebraicam ueritatem emendaret. Nimirum aut restituisset ordinem iuxta ueritatem Hebraicam, aut questus fuisse apud Hebræos nullum esse ordinem. At de-
mus interim apud Hebræos aut nullū, aut vagum & incertū fuisse or-
dinem, quomodo Paulo dicitur primus, qui numerū nō habet? Id fiat
non minus absurde, quām si quis ex aceruo leguminum primi uoca-
bulo designaret, quod esset unum inter ea, quæ necq; numero, neq; or-
dine distinguerentur. Quod si Septuaginta interpretes ex recondita
cognitione legis, ordinem, ac numerum addiderunt psalmis, qui con-
sentaneum est, hoc latuisse Paulum in lege doctissimum? Et si non la-
tuit, quur non hoc potius sequitur, quod ex abstrusa legis scientia pro-
fectum esset, præsertim quum illic autoribus ac testibus synagogæ pri-
moribus loqueretur Hebræorum populo. Proinde citius illorum sen-
tentiae subscripterim, qui suspicantur hunc psalmum ei, qui præcessit
non proximum esse, sed continuum, hoc est, non alterum ordine, sed
eundem. Id hac ratiocinatione colligunt, si primus dici nō potest, quem
præcedit alius, aut falsus est titulus, aut idem sit oportet cum eo qui
præcedit. Sed titulus, quem apud Lucam illi tribuit autoritas apostoli
Pauli, mendax esse non potest. Reliquum est igitur, ut hic idem sit cum
superiore. Atq; huic conjecturæ, nō admodum reclamat argumentum
utriusq; psalmi. Si quidem in priore describitur Beatus ille, qui semo-
tus à consilijs impiorum, sola iusticia fretus, domino bene fortunante
quicquid egerit, ad solidam ac perennem felicitatem perducitur, quum
ex aduerso consilia impiorum dissipentur, non ob aliud, nisi quod do-
minus nouit uiam iustorum, improborum consilia non nouit, & ideo
pereunt, quia nixa præsidij humanis, numinis fauore destituuntur.
Porrò quum nihil ualeant humana molimina aduersus decretum dei,
tamē impij suis opibus, ingenij, uiribus, consilijs, scelerataç; cōcordia
coniurati, nō uerentur pertinaciter pugnare cū deo. Hoc admirās pro-
pheta, exclamat: Quare fremuerūt gentes. Nōnullis & illud conjecturā
probabilem præbuit, quod prioris psalmi principium concordat cum
alterius fine: Beatus uir auspicatus est à beatitudine. Rursus proximū
hac clausula finit: Beati omnes qui confidunt in eum. Est hoc poëma-
tis genus, etiam hodie non ignotum ihs, qui uulgo rhetorica profiten-
tur, quo recinitur in fine sententia, unde sumperas exordium. Sed ar-
gutius est, quod adfert diuus Aurelius Augustinus, seu quisquis fuit,

quod prior psalmus extraordinarius est, atq; extra numerum aliorum, id illius autoritati, dignitatiq; tributum esse. Quum enim in hoc sermo tribuatur deo patri, non decuit ullius hominis nomen præponi, si quid uideretur anteponi diuinæ autoritati: ac ne numero quidem conveniebat insigniri, ne si primus dictus fuisset, ordine duntaxat numeriq; non personæ, & argumenti autoritate cæteris potior uideretur. Veluti quod uehementer eximium est, ac procul eminet, ita præferitur, ut ne numeretur quidem cum cæteris. Atqui hæc ratio probabilior esset, si constaret primum psalmum sub persona patris dici, non prophetæ: tum si hoc esset huic psalmo proprium, ac peculiare, necq; comune cum alijs aliquot. Similis argutiaæ est quod adfert Hieronymus, aut si quis fuit alias, si peruvacaneum esse, ac uitio pleonasmi psalmum eum dici primum, quem alias nullus præcedit. Res enim ipsa loquitur eum esse primum. Sed mirum est hoc pleonasmō nos nunquam offendī in cæteris uoluminibus, ac uoluminum capitulis. Nam & primum librum primum inscribimus, & primo capiti suum numerum addimus. Deinde ut superfluum sit dicere primum eum, quem alias non præcessit: certe multo durius est eum uocare primum, quem alias præcessit. Proinde ne cuiusquam opinioni præjudicem meo iudicio, mihi uideatur illorum sententia proxime ad ueri imaginem accedere, qui dicunt primum psalmum non tam esse psalmum unum, quam præfactionem in totum uolumen psalmorum. Quemadmodū eruditi solent in frontispicio libri carmen aliquod præfigere, quo lectori commendent opus sequuturum, quo libentius & attentius hauriat, quod in uolumine continetur. Nec admodum abhorret à uero, si quis hoc proemij tribuat Esdræ, qui non solum collegit psalmos diuersorum, sed ipse etiam aliquot condidisse creditur, ac titulos addidit aliquot, nōdum satis intellecto consilio.

Titulus psalmi huius. Atq; hactenus quidem de numero, nunc de titulo paucis agamus. Psalmi plerique uarijs titulorum formis insigniuntur, qui ceu stellulæ additæ, præludent ingressuris adytum sensus mystici, ac ueluti clavis officio funguntur, & primum limen ad atrium nobis aperiunt, quo deinde pergamus ire ad ipsa penetralia. Nonnunq; autem harmoniaæ genus indicat inscriptio, ueluti quum inscribitur psalmus, aut canticum, siue canticum psalmi, aut contra psalmus cantici, siue denique diaplasma, qui titulus in medio psalmi additus, admonet mutatum carminis ac modulationis genus, quibus de rebus tempestius alio dicetur loco. Nonnunquam argumenti dignitatem indicat titulus, ueluti quoties præfigitur, τις τέλος, id est, in finem, pro quo Hieronymus

Hieronymus iuxta ueritatem Hebraicam uertit, uictori. Quoniam enim finis gratia cætera sunt omnia, & ultra finem progredi non licet, excitatur inscriptione lector, ut animum purum ac purgatum, ad insignem quandam, perfectamque rerum sublimium cognitionem præparet. Interdum tempus indicat, ut sunt qui titulum habent pro torcularibus, aut quarta sabbati. Aliquotis historiam, basim allegoriæ, ut pro uictoria idithum. Nonnunquam addita personarum uocabula, non autorem indicant, sed rei gestæ commonefaciunt, ueluti quum inscribitur Absoloni, aut Sauli, aut Solomoni. Nonnunquam titulus multa simul indicat, qualis est titulus psalmi quinquagesimi primi, in finem intellectus Dauid, quum uenit ad eum Doeg Idumeus, & nunciauit Saul, & dixit ei: Venit Dauid in domum Abimelech. Ad hæc sunt psalmi complures πίγραφοι, hoc est, nullo titulo prænotati, qui uel autorem indicet, uel tempus, uel argumentum siue historiam, uel prophetiæ, carminis uero genus, de quibus hanc regulam tradit Hilarius, ut quotquot occurrerint psalmi, non præferentes titulo nomen autoris, ad eum conferamus, cuius nomen erat in titulo, qui proxime præcessit, usq; ad eum, qui sequens nouum autorem habebit præfixum. Hoc autem uerum ac perpetuum sit nescio, præsertim cum additum nomen aliquoties non autorem indicet, sed argumentum, ut paulo ante docuimus. Certe in hoc psalmo locum non habebit, quum nullus præcedat psalmus, cui sit additus titulus, quemadmodum docent ueteres interpretes, & astipulatur Hebraica ueritas. Tametsi hodie in uulgatis codicibus hæc habetur inscriptio, Δαύιδ προφήτου, οὐχ βασιλέως μέλος, id est, Dauid prophetæ, & regis melos, quum Augustinus affirmet hunc solum non habere titulum. Quæ quidem oratio multum abest à uero si habet, & si caret, non caret solus. Cæterum huic, qui nunc in manibus est, tametsi nullus præfixus est titulus, tamen autor illi suus vindicabitur ex autoritate Lucæ, qui in Actis apostolorum scribit hunc in modum: Domine tu es qui fecisti cœlum & terram, & mare, & omnia quæ in illis sunt. Qui per os patris nostri Dauid sancti pueri tui dixisti: Quare fremuerunt gentes. Neque enim arbitror conuenire, ut hic conemur elabi, quemadmodum Nicolaus Lyranus excusat Hieronymum, qui primum psalmum asserit Dauid, in epistola quadam ad Paulinum, quum

credatur Esdræ, quasi primum psalmum posuerit pro uolumine psalmorum, cuius autor est ex parte Dauid. Sed mea sententia firmior est autoritas Lucæ, quām ut hæc tergiuersatio sit admittenda. Quin illud magis admiror, quur Lyranus scripsiterit Augustinum in hoc errore fuisse, ut diceret omnes psalmos conscriptos ab ipso Dauid. Certe in commentarijs qui feruntur Augustini titulo, referuntur hæc uerba, quæ palam refellunt, quod affirmat Lyranus. Non omnes, inquit, psalmi à Dauid æditi sunt. Ipse enim Dauid ex omni populo quatuor principes spiritu sancto mandatos elegit, quorum nomina sunt Asap, Eman, Ethan, & Idi-thum, ut in quemcunque diuinus spiritus intrasset, hymnum deo caneret. Dauid ergo solos nouem psalmos ore cecinit. Reliqui autem ab illis quatuor principibus, iuxta titulorum inscriptio-nem sunt dicti. Hactenus Augustini uerba recensuimus. Quod si quis responderit, hic Augustino psalmos æditos dici, non compositos, sed palam decantatos, rursum in dubium vocamus, an hic titulus ipsi Dauid indicet autorem, an recitatorem, præsertim quum autoris nomen fuerit ascribendum casu paterno, τῷ Δαβὶδ. Si recitatorem arguit titulus, plures inscribuntur Dauid, etiam apud Hebræos, quām nouem. Sin interdum autorem, interdum recitatorem, uestigandum est huius rei discriminem. Hilarius sub-indicat, & Augustinus libro de ciuitate dei decimo septimo, capite decimoquarto, declarat quibusdam hanc fuisse opinionem, ut quoties præfigeretur nomen paterno casu, uelut τῷ Δαβὶδ, id est, ipsius Dauid, intelligeretur autor, quoties τῷ Δαβὶδ, id est, ipsi Dauid, non designari autorem, sed psalmum aliquid habere, quod ad Dauid pertineat. Haec opinionem refellit psalmus centesimus nonus, cui cum titulus sit ipsi Dauid, tamen ipse C H R I S T V S in Euangeliō prophetiam huius psalmi tribuit Dauid Matthæi capite uigesimo secundo: Quomodo ergo, inquit, Dauid in spiritu loquens, uocat eum dominum, dicens: Dixit dominus domino meo, sede à dextris meis. Quanquam hoc loco non asseuerat Augustinus, quod interpretatur Lyranus. Denique inquit, Omnis fere eius prophetia in psalmis est. Quum enim ante dixisset, Dauid mu-

sicæ

sicæ rei peritissimum, mystica spiritualicꝝ melodia delectatum, subiicit omnem eius prophetiam ferè in psalmis esse, hoc est, in hymnis musicis, quum cæteri prophetæ oratione prosa, uaticinia sua prodiderint. Ac paulo post: Mihi, inquit, credibilius uidentur existimare, qui omnes illos centū & quinquaginta psalmos, eius operi tribuunt. Primum recitat alienam opinionem, & non continuo conuincitur esse autor singularum operis partium, qui autor est operis. Sed hæc quoque tempestiuus alio loco discutientur. Si quidem in præsentia tantum in hoc attigimus hæc omnia, ut doceremus hunc psalmum apud ueteres prorsus caruisse titulo, cuius tamen autor certus profertur ex Actis apostolorum. In libris Gallicanis titulus habetur, In finem psalmus Dauid. Qui addiderunt, in finem, ex ipsa re sumpserunt, ut argumenti dignitatem explicarent.

De quo nunc pauca dicemus. In plerisque psalmis duplex est argumentum: historicum, quod ceu basis quædam substernitur: & allegoricum, siue anagogicum, quod sub inuolucris illis rerum gestarum recondit, uel aperit potius historiam Euangelicam, aut doctrinam uerae pietatis, aut imaginem felicitatis æternæ. Nam nullus est ferè scripturæ locus, qui non possit ad tropologiam accommodari. Atque quo dilucidius fiat quod loquimur, unicum exemplum docendi gratia proferam in medium. Titulus psalmi centesimi quadragesimæ tertij est, ipsi Dauid aduersus Goliath. Dubitandum non est, quin is psalmus decantatus sit in laudem dei, cuius præsidio Dauid adolescens, pastor, inermis, & contemptus, funda percussit immanem ac superbum Goliath, cuius & caput ipsius gladio præcidit. Sed hic sensus historicus nihil officit allegoriæ, quin potius efficit ut lumen mysticæ cognitionis, ueluti speculo quodam exceptum, iucundius & euidentius se exhibeat oculis animi nostri. Quisquis enim meminit historiæ, quomodo Dauid non alia re fretus, quam auxilio cœlesti, cōficerit Allophylū hostē, utribus & armis suis iactantē se, & insperata uictoria depulerit probrum à populo suo, nonne clarus, atque etiam maiore cum animi uoluptate contemplabitur CHRISTVM Dauid nostrum, non huiusmodi præsidijs, sed noua ratione deïcientem superbum illum

*Argumētū
huius psal
mi.*

u 4 huius

huius mundi principem, unà cum populo suo incircunciso, atque hoc nouo facinore animos addidit genti suæ, cui dicit in Euangelio: Confidite, ego uici mundum. Hoc sanctissimum spectaculum, ubi curiosis oculis satis erimus contemplati, tum ad nos ipsos reuersi discimus ad eam imaginem nobis esse pugnandum cum huius mundi cupiditatibus, quæ rebellant in membris nostris aduersus legem dei. Videntur igitur, an hic quoque substratus sit aliquis sensus historicus, cui innatur allegoria. Nam totum psalmum uaticinari de CHRISTO, Pauli apostoli, Lucæq; autoritate confirmatum est ex actis apostolorum. Sic enim loquitur illic Paulus capite decimotertio: Et nos uobis annūciamus eam, quæ ad patres nostros repromissio facta est, quoniam hanc deus adimpleuit filijs uestris resuscitans IESVM. Sicut in psalmo primo scriptum est: Filius meus es tu, ego hodie genui te. Rursum eiusdem operis capite quarto, sic orat ecclesia Christianorum: Domine qui fecisti cœlum & terram, & omnia quæ in eis sunt, qui spiritu sancto per os patris nostri Dauid pueri tui dixisti: Quare fremuerunt gentes, & populi meditati sunt inania. Astiterunt reges terræ, & principes conuenerunt in unum aduersus dominum, & aduersus CHRISTVM eius. Conuenerunt enim uere in ciuitate ista aduersus sanctum puerum tuum IESVM, quem unxisti, Herodes, & Pontius Pilatus, cum gentibus & populis Israël facere, quæ manus tua, & consilium tuum decreuerunt fieri. Declarat idem Paulus in epistola, quæ inscribitur ad Hebræos, ex hoc psalmo sumens testimonium, quo conuincat CHRISTVM angelis esse maiorem: Cui enim, inquit, angelorum dixit unquam, filius meus es tu, ego hodie genui te? Constat igitur hunc psalmum uaticinari de CHRISTO, quemadmodum & alios complures, qui uarijs locis citantur ab apostolis ceu uaticinium Euangelicæ historiæ. Sed euidentius hoc ipsum declarat CHRIS TVS in Euangelio Lucæ de psalmis omnibus: Hæc, inquit, sunt, quæ loquutus sum ad uos, quum adhuc essem uobiscum, quoniam necesse est adimpleri omnia, quæ scripta sunt in lege Mosi, & prophetis, & psalmis de me. Cæterum an hic psalmus iuxta sensum historicum quadret etiam in aliud præter CHRISTVM, id ex titulo psalmi non potest liquere Rabbi Solomon, quum fateatur à uetustis Hebræorum magistris exponi solitum

solitum de rege Messya, tamen accommodat ad historiam, quæ refertur libro Regum secundo, capite quinto: Quum enim David rex suscepisset regnum totius gentis Israëliticæ, ultro deferentibus uniuersis tribubus, & rursum unctus esset, iamq; destinasset regiam suam ex Ebron transferre in montem Sion, qui tum à Iebusitis habitabatur: Conspiratum est undiq; ab Allophylis finitimis, ut eum regno depellerent, ueriti, ne si potestas eius nimium creuisset, aliquando sese uerteret in ipsorum exitium. Ego ut non in totum damno uidere, quid adferant Hebræorum interpres, præsertim antiqui, ita non arbitror illis esse multum tribuendum, quum animaduertam horum commentarios ferè fumis ac fabulis anilibus esse refertos, ne quid interim dicam de studio falsandi nostra, odioq; Christi. Proinde non sumam in hoc operam, quomodo singulæ partes huius psalmi congruant historiæ, sed quemadmodum quadret in nostrum David, hoc est, Iesum Christum, excutiemus, de quo sine controuersia scriptus est. Complectitur autem unicus hic psalmus, non unamquampiam Euangelicæ historiæ partem, sed uniuersum redempti mortalium generis argumentum. Quomodo filius dei corpus humanum assumpserit, ac cœlesti gratia plenissime delibutus Euangelicæ doctrinæ fulgore, simul & umbras Mosaicæ legis discusserit, & seruitutem ceremoniarum sustulerit, & gentium impias religiones subuerterit, & arrogans philosophorum supercilium deiecerit, atque hæc omnia peregerit, non ullis huius mundi præsidij, sed noua quadam & inaudita ratione diuini consilij, cui frustra rebellant hominū ingenia. Quum enim totus mundus, totis viribus aduersus euangeliū coniuratus insurgeret, ille cuncta Pharisæorū, pontificum, regum, ac principum molimina uertit in ornamentum ac fidem suæ uictoriæ, cœlesti consilio deludens humanam astutiam, inuicta mansuetudine superans impiorum ferociam, moriendo mortis tyrannidem abolens: dum se demittit ad inferos, aperuit regna cœlorum, ac per summam humilitatem emergens, ad summam peruectus est gloriam, simulq; nobis omnibus uiam monstrauit, qua possimus huius mundi principem uincere, si nostris diffisi viribus, toti pendeamus à CHRISTO, quemadmodum ille totus peperdit à patre. Et si principes ac pontifices, qui ceteris autoritate præminent, metuant offendere regem omnium IESVM CHRISTVM, nec huius leges ausint negligere, semper memores æterni iudicij, cuius sententiam nemo nec humili, nec præpotens poterit effugere. Atque hæc quidem in summa de arguento. Nunc aspirante

clavis psalmi.

rante Christo, singulos uersus excutiamus, si prius tria uerba fecerimus de psalmi clave. Frequenter usu uenit, quum in alijs mysticæ scripturæ locis, tum præcipue in psalmis, ut de persona loquentis ambigatur. Et tamen non raro fit, ut ex persona cognita pendeat sensus mysticus. Diuus Hieronymus putat quatuor primos uersus, nam ille singulos quod gemini sint, ob antiphoniam partitur in binos, pronunciari sub persona uel angeli, uel prophetæ, qui miretur quā ob rē humana temeritas consurrexerit aduersus filium dei. Quintum demum tribuendum personæ patris: Disrumpamus uincula &c. Diuersum sentit Hilarius, primos etiam tribuens deo patri. Atque in hanc sententiam adductus est, auctoritate Lucæ, qui quū descripsiterit ecclesiam, his uerbis alloquenter deum, qui per os patris nostri Dauid sancti pueri tui dixisti, uidetur sermonem hunc accommodare patri. Addit & aliud argumentum, quod quintus uersus diapsalmate distinguatur à quatuor primis, quæ res uidetur indicium mutatæ personæ. Sed huic rationi diffidere uidetur ipse. Subiicit enim, in Hebræorum libris non annotari diapsalma, quod si maxime ascriberetur, non protinus indicaret mutatam personam, quum aliquoties significet harmoniæ genus nouatum. Cæterum in actis non agebatur de persona loquentis in uaticinio, quū quicquid quacunq; sub persona dixerunt uates, hoc per eorū os deus loqui dicitur. Deinde si personæ patris hic sermo tribuatur, dure congruet quod sequitur: Aduersus dominum, & aduersus Christum eius. perinde quasi de alio quopiam, non de se loquatur. Hac igitur in parte sic ab Hilario dissentio, ut tamen non in totum assentiar Hieronymo. Quorsum enim attinet hic comminisci personam angeli, quum totus sermo adamussim quadret in personam prophetæ Dauid, qui spiritu cœlesti afflatus, hoc iam tum cernebat internis oculis, quod tot seculis post gestū est in Christo. Porrò sermonis abruptum initiu, congruens afflato numine, & tropus ipse facit ad emphasis indignitatis. Quid enim insanius, quām principes, reges, ac populos coniuratos illi moriri exitium, qui uenerat seruandis omnibus? Et uenerat missus à deo patre, cuius consilijs frustra reluctatur humana temeritas. Venerat tot ante prophetarum oraculis promissus utrique populo, Iudæorum, ac gentium, sed præcipue Iudæorum, tot figuris adumbratus, tot seculis exoptatus. Quid enim aliud sibi uolunt illæ piorum hominum uoces: Veni domine, & noli tardare, relaxa facinora plebis tuæ Israël? Promissus erat lenis ac mansuetus, beneficus in omnes, seruator omnium, qui gratis tolleret in se peccata totius mundi: qui sublatu

Exordium propheticū.

Veni.

sublato duro legis Mosaicæ iugo, per fidem & gratiam Euangelicam
 inuitaret omnium nationum homines, siue reges, siue humiles, siue do-
 ctos, siue indoctos, siue seruos, siue liberos, ad dignitatem filiorum dei,
 ad felicitatem immortalis uitæ. Deniq; promissus est non iudex, non
 vindicta, sed redemptor, sed assertor, sed seruator. Quid tetrius peccato?
 Hoc gratis sustulit, quid pulchrius, quid amabilius innocētia? Et hanc
 de suo largitus est. Quid honorificentius, quām adoptari in consortiū
 filiorum dei? Ab hoc honore nullus excluditur. Quid grauius impor-
 tabili iugo legis Mosaicæ? Et hoc nobis detraxit. Quid dulcior liberta-
 te? Hanc contulit. Quid magis expetendum, quām cœlestis immortalitatis?
 Huius ille certissimus sponsor est. Talis erat ille promissus, qualem
 merito totius mundi nationes debuerant amplecti. Nec aliis uenit
 quām fuerat promissus. Opulentia parere solet inuidiam: Ille nullas
 opes nec habuit, nec ambijt. Multis odium conciliat potentia: Ille se
 professus est alienum à regnis huius mundi. Mediocribus etiam be-
 neficijs paratur hominum benevolentia: Ille gratis ac prompte semet
 effudit iuuandis omnibus, pauit esurientes, sanauit ægrotos, restituist
 mancos ac debiles, cæcis oculos, surdis aures, mutis linguā reddidit, sa-
 lutifera doctrina blande ac placide monstrabat omnibus æternæ felici-
 tatis uiam. Optimo proinde iure propheta demiratur aduersus talē,
 tantum, tam beneficū, tam amabilem, cooriri gentes, moliri populos,
 insurgere reges, armari principes. In unius perniciem cōiurant omnes,
 qui unus ad omnium salutem uenerat. In eum omnes omnia sua con-
 filia conferunt, qui se totum impendit omnibus. Vnde tumultus iste?
 Vnde conspiratio tam insana? Nimirum quia nihil habebat Christus
 rōmune cum mundo. Et idcirco mundus illum auersatus est, uelut auo-
 cantem ab his, quæ filij h̄yius seculi pertinaciter adamabant. An non
 statim ad Christum natum impius hic ac superbus mundus inhori-
 ruit? Simul atq; cognitum est, Magorū indicio, natum esse Messyam:
 tenuis adhuc rumor erat, tamen quid audis narrantem Matthæum?
 Turbatus est rex Herodes, & omnis Hierosolyma cum illo. Conuocan-
 tur Scribæ, exquiritur locus natalis dictus Messyæ: exquiritur à Magis
 tempus quo illis uisa fuisse stella, cuius indicio fuerant exciti: fraudu-
 lento consilio rex agit cum Magis, ut prodant infantem. Mox sœui-
 tur in ætatem innoxiam. Postea uero quām cœpit æditis miraculis in-
 darescere, cœlestijs doctrina, Pharisæicæ doctrinæ tenebras offunde-
 re, ac diuinæ naturæ ueluti scintillulas aliquot proferre: Quoties in il-
 lum fremit populus, nunc ad lapides accurrens, nūc in montis abrupta
 ducens,

ducens, ut illinc præcipitem daret. Quoties illum adorti sunt Pharisei, Sadduccæi, Herodiani, captiosis quæ stiunculis conates illum illaqueare. Quoties inierant Scribæ & Pharisei clanculariū concilium, ut Iesu manus inijcerent, & iniecissent, ni metuissent turbam. Mittuntur à Pharisæis satellites, qui illum in templo docentem uiolarent. Subinde uarijs studijs inter se fremit populus, alijs dicentibus, bonus est, alijs cōtra negantibus. His affirmantibus eum esse unūque impiam è prophetis qui reuixisset: illis suspicantibus eum esse Messyam. Tandem & Herodes Tetrarcha eius filius, qui pueros occiderat Bethlehemicos, ex his quæ rumore cognouerat infensus Iesu, captabat occasionē occidendi eum. Ast ubi liuor & odium Phariseorū semper in maius gliscēs, certū propositum conceperat occidendi Iesum, quoties cōcurritur in concilium à Scribis, à Phariseis, & Senioribus populi. Adhibetur pontificum autoritas, Annæ & Caiphæ, in cuius sacris ædibus impium hoc negotium peragebatur. Præsidis autoritas cogitur seruire Iudæorum uesaniae. Ad huius prætorium nō solum Scribæ & Pharisei, sed uniuersus etiā populus conucnit. Hos tumultus omnium ordinum, has conspirationes, hæc concilia, quum nobis luculentissime describat Euangelica narratio, nōne merito demiratur propheticus animus, ista præuidens futura, quæ nos facta legimus, & credimus, hoc est, fidei cernimus oculis, Gentes. dicens: Quare fremuerunt gentes, quam particulam quidam proprie referunt ad cohortem Pilati præsidis, quam legimus cōuenisse in atriu præsidis, ut illuderent damnato Iesu. Proximam particulam, & populi meditati sunt inania, referunt ad populum Iudaicum, ex uarijs nationibus conflatum, quæ tum religionis causa Hierosolymam confluxerat. Præsidis milites, ut alieni ab omni religione, & ipso uitæ genere uolenti crassicq; fremunt incondito motu, nullo non ludibriū genere debacchantes in dominum, omnis gloriae fontem. Iudei meditantur inania, dum peruerso studio legis, frustra persequuntur eum, quē lex ipsa promiserat, ac designarat: Expedit, inquit, ut unus moriatur pro populo. Vitant diem festum, & incidunt in diem festum. Sic & Paulus, dum studio legis sœvit in discipulos domini meditabatur inania. Et hodie meditantur inania Iudei, qui circūcisiones, sabbatismos, lotiones, delectū ciborum mordicus tenentes, contemnunt Euangelicam doctrinam, per quam salutem assequi poterant. Et ne populi furor parum ualeret aduersus innocentem, affuerunt uelut autores huic tumultui reges terræ, nimirum Herodes, ac Pilatus. Sic enim interpretatur ecclesia apud Lucam in actis apostolicis. Nā hic Herodes erat tetrarcha Galileæ, quem admodum

admodum testatur Matthæus cap. 14. atq; eundem in commentarijs
 Diuus Hieronymus regem appellat. Quin & Marcus capite sexto tri-
 buit illi regis cognomē. Pilatus autem rex non erat, sed præses Iudææ.
 sed in hoc erat Cæsar, cuius uices gerebat in ea prouincia. Cæsarem au-
 tem populus Iudæorum imp̄is illis conuic̄is apud præsidis prætoriū
 sibi regem ascuerāt, uociferantes: Nō habemus regem, nisi Cæsarem.
 Quidam uolunt esse hypallagen numeri, ut reges dicti sint, quorum
 alter dūtaxat erat rex. Sed mollior erat tropus, ut omnes qui publica
 potestate funguntur, reges appellantur, præsertim cum addatur reges
 terræ. Imò sermone prophetico maxime conueniebat numerus multi-
 tudinis, qui semper sese latius porrigit. Non enim solum spectat ad il-
 los, per quos tum Christus fuit damnatus, uerum etiā ad eos, qui an-
 te aduentū Christi persequuti sunt illum in suis prophetis, quiq; post
 persequuti sunt eundem in ipsis apostolis, & hodie nonnūquam per-
 sequuntur in his, qui pure docuerit Euāgelicam ueritatem. Et principes
 conuenerunt in unum, uidelicet scribæ & pharisæi, cum senioribus po-
 puli. Hi sectis inter se discordes, quin & odīs priuatis dissidētes (num
 quam enim inter auaros, superbos & inuidos concordia est) aduersus
 Iesum concordes, congregantur in domum Caiphæ. Quin & ipsi re-
 ges Herodes & Pilatus ante discordes, in domini necem consentiunt,
 & ex eo tempore coit inter eos amicicia. Hæc sunt impiorum fœdera,
 qui nunquam concordes sunt, nisi ad lædendum innoxios. Subnotat Hilarij argu-
 & illud Hilarius, quo Herodes ac Pilatus reges terræ dicti sunt, qui iu-
 re terrenæ potestatis insurrexerint in eum, qui prædicabat regnum cœ-
 lorum. Cæterum pontifices, scribæ, pharisæi & seniores tantum princi-
 pes appellantur, non autem principes terræ, aut principes sacerdotum,
 quod & ius terrenæ ditionis perdidissent, regno translato in Herodē
 ac Cæsarem, nec iam mererentur dici principes sacerdotum aut populi,
 qui consilijs imp̄is coniurassent in autorem omnis sacerdotij dominū
 Iesum. Atq; hæc quidem, ut fateor argute dici, ita mihi non displicet
 simplicior interpretatio, ut utraque pars uersuum ad idem pertineat.
 Quare fremuerunt gentes, ad populum Israēliticum, & huic accinatur
 clausula, ueluti Echō referens & inculcās, quod dictū est, & populi me-
 ditati sunt inania. Rursus astiterūt reges terræ, pertineat ad Herodem
 ac Pilatum, atq; huic rursus accinatur illa particula, & principes conue-
 nerunt in unū. Hoc ne cui planè uidear adferre ex somnio capitilis mei,
 Primum hoc factū docet Augustinus, in uersibus qui sequuntur. Qui
 habitat in cœlis, irridebit eos, & dominus subsannabit illos: Repetita,

inquit sententia est. Nam pro eo quod est, qui habitat in cœlis, subsequenter possum est, dominus: & pro eo, quod est irridebit, subsequenter positum est subsannabit. Deinde constat hoc sermonis genus, in propheticis literis esse frequentissimum, ut sensum quem prior uersiculi pars expressit, posterior aut recitat alijs uerbis eundem, aut consimili sententia referat, aut contraria respondeat. Primi generis exemplum erit. Os iusti meditabitur sapientia. Huic accinitur. Et lingua eius loquetur iudicium. Secundi. Iustus ut palma floredit. Cui simile est, quod succinitur. Et sicut cedrus libani multiplicabitur. Tertiij. Esuriētes impleuit bonis. Id infigitur contraria sententia. Et diuites dimisit inanes. Neq; hic sermonis color in mysticis hymnis frequetissimus solum pro nobis facit, uerum etiam autoritas ipsius Lucæ, apud quem ecclesia sic interpretatur hunc locum. Conuenerunt enim uere in ciuitate ista aduersus sanctum tuū filium Iesum, quem unxisti Herodes & Pontius Pilatus, & populus Israël, pro eo quod bis erat dictum. Reges terræ & principes simplicem sensum reddunt de Herode & Pilato. Item quod repetitum erat: Quare fremuerūt gentes, & populi meditati sunt inania, nihil aliud interpretantur, quam populum Israëliticum, in quo continentur &

Aduersus dominum. pontifices, pharisæi, scribæ, & seniores. Atrox uero coniuratio sit opor-
minum. tet, quæ tanto tumultu, tanto cōsensu principū ac populorū peragi-
tur, omnia sua consilia, totas opes & uires, & quicquid autoritate, quic-
quid potētia, quicquid ingenio, fraudēue possunt in unū conferentiū. Id si fieret aduersus potentem hostem reip. nihil est mirum aut indi-
gnum. Nunc audi dementiam & indignitatem huius conspirationis. Concurrunt gentes, machinantur populi, instant reges, congregantur
principes. Aduersus quem? O rem impia. Aduersus dominum, & ad-
uersus Christum domini. Cuncti reges quamlibet potentes, aut opu-
lenti, cuncti principes, quantumvis pollent uiribus, uniuersum mor-
talium genus, quamlibet numerosum, quid aliud sunt cōsidera ani-
malcula, si cōferantur ad deum, qui semper est, & initio carens & fine,
qui nutu suo condidit ac moderatur omnia quæ in cœlis, & quæ in ter-
ris, qui potest & nutu perdere, si libeat, uniuersa. Tam imbecilles igitur
conspirare aduersus omnipotētem dementia est. Sed ingratum etiam
& impium est conspirare aduersus eum, cuius bonitati debent hoc ip-
sum, quod sunt, quod uiuunt, quod sapiunt, quod uiribus, aut in-
genio possunt. An nō erat istud ingratitudinis extremæ, etiamsi nihil
nouæ beneficetiæ addidisset? Nunc ubi uideret genus humanum uni-
uersum teneri miserrima simul ac turpissima tyrannide diaboli, uersari
in altissi-

QV ARE FREMVER VNT GENTES COMMENT. 221

in altissimis ignorantia tenebris, seruire idolis, seruire turpitudini, ruerre præceps in æternum exitium, misertus nostri, misit unicum filium suum, non armatum, non formidabilem, sed unctum gratia, sed mansuetudine bonitateq; amabilem, cuius morte nos reconciliaret sibi, cuius doctrina discuteret tenebras nostras, cuius ductu nobis aperiret viam ad uitam immortalem. Et aduersus talem conspirat principum ac populorum cæcitas: uel potius impietas. Vides lector & hic obseruatur quod admonuimus aduersus dominum, ad patris refertur personam, aduersus Christum eius, pertinet ad filium. Pater erat in filio, quem admodum scribit apostolus Paulus, mundum recōcilians sibi. Quisquis igitur repugnat filio, repugnat & patri. Quisquis agnoscit patrem, & filium debet agnoscere. Sed diabolus erat in mundi principibus, ac populis, frustra belligerans aduersus consilium dei. Non illi nouum est, rebellare deo suo, contra quem statim ut conditus est, mouit seditionem, quod tum per se gerebat in cœlis, hoc post per sua membra gerebat in terris. Reges terræ sunt, nec aliud, quam terrena sapiunt. Oderunt cœlestia. Quod Græci dicunt Christum, Latini unctum, Hebræi Messyā uocant, quo nomine Iudei peculiariter designabant eximum illum prophetam, prophetarum oraculis promissum ad salutem omnium gentium. Unctio uero non solum erat regum apud Hebreos, uerū etiam sacerdotum, quemadmodum nunc est omniū Christianorum, quos Petrus sacerdotiū & regale gen⁹ appellat, propterea quod per Messyam nostrum adoptati sumus in ius & consortiū filiorum dei. In Christum uero & triphariam competit uncti uocabulum. Primum sacerdotij nomine. Siquidem is erat unicus ille sacerdos secundum ordinem Melchisedech, qui sacrosancti corporis sui uictima deū patrem ex offensio propicium nobis reddidit, qui sanctissimi sanguinis sui lauacro purgauit omnia peccata creditum in ipsum. Deinde regni nomine. Data est mihi, inquit, omnis potestas in cœlo & in terra. Nimirū hic erat ille promissus sanctus sanctorum, qui antiquauit omnem Iudeorum unctionem, quibus iam nec sacerdotium est ullum, nec regnum. Tertio congruit in eum uncti uocabulu ob plenitudinem gratiae divinae, quæ in illo habitauit corporaliter, ut inquit Paulus apostolus, De quo testificatur & Ioan. Evangelista: Cuius gloriā uidimus, plenū gratia & ueritate. De cuius plenitudine accepimus omnes. Hic est enim unctus ille, de quo spiritus loquitur in psalmo: Diffusa est gratia in labijs tuis, propterea quod unxit te deus, deus tuus oleo læticia, præ participi bus tuis. Olim uetus est iudex uiuorū & mortuorū in maiestate patris cum agminibus angelorum formidabilis, non impijs modo, uerū

etiam iustis, nimirū in illo die tremendo, quando cœli mouebuntur, & uix iustus seruabitur, quēadmodum scribit Petrus apostolus, tantum aberit, ut peccator possit subsistere. Sed interim uenit unctus, blādus, affabilis, placabilis, beneficus, comis, mansuetus, seruator non ulti, re conciliator, non iudex, expositus omnibus ad benemerendū citra personarum exceptionem, nisi quod humiles magis amplecti uidebatur. Hoc olim de illo uaticinatus fuerat Esaias, ex quo Christus apud Lucam pronūciat de se proditū oraculum: Spiritus, inquit, domini super me, eo quod unxit me. Euangelizare pauperibus misit me, sanare contritos corde, prædicare captiuis remissionē, & cæcis uisum, dimittere cōfractos in remissionem, prædicare annū domini acceptum, & diē retributionis. Quis huiusmodi Christum nō amet? quis aduenientem nō excipiat, non amplectatur, non exosculetur? Et tamē hunc talem avertisus est mundus, cæci fugere lucē, serui redemptorem, ægroti medicū, mortui uitam. Quin & illud annotandū, quod propheta patrem designans absolute dixit dominū, ut omnium dominū declararet, quū regibus addidisset terram, filiū autem non simpliciter appellauit Christum, sed Christum eius, nimirū dignitatem illius notans, qui solus peculiariter esset unctus à deo. Habet & hic mundus Christos suos, reges ac sacerdotes, quorum nōnulli cutem habent unctam, sed mētem inunctam. Vngunt homines caput, ungunt scapulas, ungunt thoracē ac pectus, uel ad umbilicū usq; frustra homo ungit hominis corpus, nisi sp̄ritus cœlestis unxerit animum. Et ideo s̄æpe uidemus principes semel atq; iterum unctos nihilo secius ob crudelitatem, ambitionem, auariciā intolerabiles esse populo. Habet deus unctos suos, quos non uult lædi ab ijs, quos unxit mūdus. Sic em̄ loquitur in cantico Asaph. Non dimisit quemquam calumniari eos, sed increpauit pro eis reges. Nolite tāgere Christos meos, & in prophetis nolite malignari. Quis quis habet animum illustratum lumine fidei, ea credens, quæ non uidet, ea sperans, quæ non apparent propheta est, & unctus est. Docet hoc Ioānes apostolus in epistola sua: Vos, inquit, unctionem habetis à sancto, & nostis omnia. Verum hæc unctio sicut nobis gratuito datur ex benignitate dei, ita frequenter nostro uitio perit. Ideo subdit: Et uos unctionem quam accepistis ab eo, maneat in uobis. Et Paulus Corinthijs scribens, docet hanc unctionem, neque simili genere, neq; pari mensura contingere omnibus, sed alijs alias dotes distribui, iuxta mensuram fidei. Sed Iesus peculiariter quadam ratione dicitur unctus domini, & apud nos Christi nomen solus obtinet, quod hunc non guttis aliquod gratiæ deus imbuerit, sed assatim in hunc effuderit, quic

it, quicquid in uniuerosos unquam collatum fuit, aut conferri potuit, Christus enim humanæ naturæ uocabulum est. Non enim unctus dicitur, nisi quatenus homo. Simili discrimine nos quoque dicinur filii dei, sed quoniam ille singulari ratione fuit filius dei, idcirco paterna vox proprie de hoc testata est: *Hic est filius meus dilectus, in quo mihi complacui.* Aderat eodem tempore columbae species insidens illius sacro uertici, declarans omnibus hūc esse uerum illum Messyam, quē deus omni plenitudine gratiarum unxisset, de cuius plenitudine nos omnes acciperemus. Exhauriri non potest, in quo inhabitat omnis plenitudo diuinitatis corporaliter. An non igitur optimo iure deminatur oculus ille propheticus, tanto molimine coniuratisque consilijs reges & populos tendere aduersus deum omnipotentem, aduersus quem nec uis est ulla, nec consilium, & aduersus Christum eius? Cui quisquis aduersatur, aduersatur & deo patri. Sed hunc mundi tumulum cooriturum aduersus Christum, ueteris testamenti literæ non uno in loco prædicunt oraculis, & adumbrant figuris. Audiamus ipsum Christum sub persona Hieremiac, & per os eiusdem loquētem patri: *Tu autem domine demonstrasti mihi, & nō cognoui. Tu ostendisti mihi studia eorum, & ego quasi agnus mansuetus, qui portatur ad uictimam, & non cognoui, quia super me cogitauerunt consilia.* Mittamus lignum in panem eius, & ne memoretur nomen eius amplius. Audis studia, audis consilia, concordantium suffragiorum uocabulum, audis mortis genus, Mittamus lignum in panem eius, corpus illius suffigamus in crucem. Quin & apostolis cæsis denunciatur, ne prædicarent nomen illius. Ad hoc pertinet illud: *Et ne memoretur nomen eius amplius.* Porrò cum illa legimus quæ sunt in lib. sapient. cap. secundo. Nónne uidemur audire pharisæos, scribas, Aniam, Caipham, philosophos, breuiter omnes, qui diligunt hunc mundum conspirantes aduersus Christum? Circumueniamus, inquit, iustum, quoniam inutilis est nobis, & contrarius est operibus nostris, & improperat nobis peccata legis, & diffamat in nos peccata disciplinæ nostræ. Promittit se scientiam dei habere, filium dei se nominat. Factus est nobis in traductionem cogitationum nostrarum. Grauis est nobis etiam ad uidendum, quoniam dissimilis est uita illius, & mutatae sunt uiae eius, tanquam nugaces æstinati sumus ab illo, & abstinet se à uis nostris, tanquam ab immundicijs, & præfert noūissima iustorum etiam, gloriatur patrem se habere deum. Ac mox: Morte turpissima condemnemus eū. Hanc mundi conspirationem

in dominum I E S V M , iam olim præludebat ænigmata fatidico, coniuratio fratrum aduersus Ioseph , quemadmodum refertur Genesis cap. trigesimosexto . Qui cum uidissent eum procul, antequam accederet a i eos , cogitauerunt illum occidere , & mutuo loquebantur: Ecce somniator uenit, uenite occidamus eum & mittamus in cisternam ueterem , dicemusque , fera pessima deuorauit eum . Accusant eum fratres de crimine pessimo, & pharisæi C H R I S T O impingunt blasphemiam, quodç̄ foedus haberet cū Beelzebub principe dæmoniorum . Dissident in consilijs fratres Ioseph , sed in malitia conteniunt . Et ex pharisæis quidam dicebant, non in die festo , ne forte fiat tumultus in populo . Et tradamus hunc Pilato , ne uideatur à nobis imperfectus . Quin & ipse dominus I E S V S hanc in se conspirationem pulchre depinxit parabola Euangelica , in qua coloni quum seruos alios post alios missos tractassent inclementer , quosdam etiam occidissent, tandem & aduersus filium conspirant , dicentes: Hic est haeres , uenite occidamus eum , & nostra erit hereditas . Rursus in alia parabola, coniurati mittunt illi legationem obuiam, dicentes: Nolumus hunc regnare super nos . Sed horum omnium conatus nihil aliud, quam illustrauit sapientiam ac bonitatem consilij diuini , & ipsos declarauit dignos exitio , qui pertinacibus animis coniurati fuerint aduersus totius salutis autorem . Nos autem fratres charissimi, si uere C H R I S T I membra sumus, ne misceamur impio consilio, sed pijs studijs amplectamur C H R I S T V M domini . Iudæorum autem obstinatam cætitatem execrantes uel miserantes , dicamus cum propheta David : Quare tremuerunt gentes , & populi meditati sunt inania . Astiterunt reges terræ , & principes conuenerunt in unum aduersus dominum & aduersus C H R I S T V M eius . Sed cum C H R I S T I discipulis fortiter dicamus: Disrumpamus uincula eorum, proficiamus à nobis iugum ipsorum . Hic postremus uersiculus, sub cuius persona dicatur, non satis conuenit inter autores . Tertullianus, sacrarum scripturarum sine controversia peritissimus , sic subinde citat hunc uersiculum , ut eis accommodet , qui crediderunt ex iudeis ac gentibus , qui gaudentes Euangelica libertate , legis onus conabantur excutere . Subscribit huic Arnobius: Gentes, inquit, fremunt aduersus C H R I S T V M , quia idolis finem imposuit . Populi, id est, Iudæi meditantur inania , distinctiones ciborum, & sabbatorum ferias attendentes . Vtroru[m]que uincula disrumpenda . Et ab horum sententia minimum abest Hilarius , hæc uerba tribuens apostolorum

stolorum personæ, qui uincula gentium disruperunt, quæ peccatorum
 suorum fascijs constringebantur, dum eos qui per fidem in Christum
 & Euangeli gratiam, aqua tinetos liberant semel ab omnibus uitæ
 superioris delictis, Iudæorum iugum abiiciunt, dum Mosaicæ le-
 gis ceremonias, circuncisionem, sabbata, neomenias, baptismata, ci-
 borum delectus, uiictimas, Carteraque quæ, ut in actis ait Petrus, nec
 ipsi portare potuerunt, nec patres eorum, docent iam esse spernen-
 da, quippe quæ uelut umbras oportebat ad coruscantem Euangeli
 lucem euangelescere. Nec ab his in re multum dissentit Hieronymus, qui
 putat hunc sermonem esse domini I E S V , cohortantis populos gen-
 tium, ut omnes qui sibi ex Iudæis credituri essent, legalia uincula dissol-
 uant, & graue onus legis abiiciant, sed sequantur eum, cuius iugum
 suave est, & onus leue. Solus Augustinus meminit diuersæ sententiaæ,
 sed sic ut ipse uideatur eius autor. Nam existimat hunc uersiculum
 aptius referri ad personam eorum, quos paulo ante propheta dixit
 tumultua ntes ac meditantes inania. Quorum animis hæc impia uox
 digna sit: Disrumpamus uincula eorum, & projiciamus à nobis iugū
 ipsorum, ut intelligamus hos esse, qui dicunt deo: Recede à nobis, scí-
 entiam uiarum tuarum nolumus, in quorum typum Gesareni rogant
 Christū, ut excederet finibus ipsorum, quiq; dicunt in parabola: Nolu-
 mus hūc regnare super nos. Detrectat mūdus iugum Euangelicū, ma-
 lens ferre durissimū iugum diaboli, q; submitti suauī iugo dei & Chri-
 sti eius. Hanc interpretationem solam sequitur Cassiodorus, quam
 tamen Aug. sic anteponit alij, ut diuersas non improbet. Mihi magis
 aridet, quod solū uideo placuisse uetus interpretibus. Quoniam au-
 tem ex historia ueteris Testamenti satis liquet Hebræos gētem fuisse
 rebelleri ac duræ ceruicis data est illis lex grauis ac rigida, ut qui tan-
 quam filij non poterant obtemperare præceptis dei, tanquam mala
 mancipia, legis duricie, ueluti compedibus ac iugo coēcerentur à ma-
 leficio, & ad officium pertraherentur. Inde circuncisio, delectus
 ciborum, obseruatio nouiluniorum, baptismatum, iejuniorum, uo-
 torum, uiictimarum, ne quò se possent uertere, quin occurreret le-
 gis præscriptum, ceu cancelli non sinentes illos suo uiuere arbitratu.
 Proinde Paulus hanc legem, legem seruitutis appellat. Et hoc nonnulli
 scriptores orthodoxi referunt illud, quod legimus apud Ezechielem
 cap. uigesimo: Et ego dedi eis præcepta non bona, & iudicia in qui-
 bus non uiuent. Set uile iugum ac durum appellat, non bonum. Di-
 xerit aliquis, quum deus sciret populum non obseruaturum legem,

quur illum tot præscriptionibus, tot obseruationibus onerauit? Nimirum ut quemadmodum Paulus docet, per legem agnoscerent morbum suum, & inciperent desiderare medicum, posteaquam agnoscerent suum peccatum. Porro qui legerit Acta apostolorum, & Paulinas epistolas, facile cognoscet quanto studio Iudæi, qui fuerant amplexi professione Euangelicæ, conati sint hoc onere grauare, non eos solū, quos in Iudaismo deprehenderat Christus, uerum etiā gentes ab obligacione Mosaicæ legis immunes. Hoc agebant passim pseudapostoli, qui Christum miscebant cum lege, quasi solus ille parum sufficeret ad dam omnibus salutem. Hi Romanos primum in Iudaismum pertraxerant, Hi Galatas eodem retraxerant, Hi cæteris, qui crediderant in Christum libertatis autorem, hoc seruile iugum studebant imponere, iubentes eos circuncidi, ut in carne illorum gloriarentur, dicentes: Ne gustaueris, ne tetigeris, ne contrectaueris. Aduersus hos totis viribus ubique pugnat acerrimus Euâgelicæ libertatis assertor Paulus, qui nec Petro ueritus sit in faciem resistere, quod uideret illius exemplo periclitari quosdam ex gentibus ad Christum conuersos. Quid multis? Tam pertinax erat studium quorundam Iudæorum, continentium gentibus imponere iugum legis Mosaicæ, ut eam ob rem coierit consilium frequens utriusque populi, cui præter cæteros præfuit Petrus & Iacobus. Erant autem pharisæicæ sectæ, qui hoc potissimum pertinebant, quod hæc factio superstitionis etiam legis tenax fuisse legatur. Sic enim legis in apostolorum actis cap. 15. Surrexerunt autem quidam de hæresi pharisæorum qui crediderunt, dicentes: Quia oportet circuncidi eos, præcipue quoque seruare legem Moysi. Hi nimis, de quibus paulo ante dixerat: Et quidam descendentes de Iudæa, docebant fratres, quia nisi circuncidamini secundum morem Moysi, non potestis saluari: Facta ergo seditione non minima Paulo & Barnabæ, aduersus illos, statuerunt ut ascenderent Paulus & Barnabas, & quidam ex alijs ad apostolos & presbyteros in Hierusalē super hac questione. Ibi Petrus in hunc modum concionatus est: Viri fratres, uos scitis, quod ab antiquis diebus deus in nobis elegit per os meū audire gentes uerbū Euâgeliū, & credere. Et qui nouit corda deus, testimonium perhibuit, dans illis spiritū sanctū sicut & nobis, & nihil discreuit inter nos & illos, fide purificans corda eorum. Nunc aut̄ quid tentatis deū imponere iugū super cervices discipulorū, quod neque nos, neque patres nostri portare potuimus, sed per gratiā domini nostri Iesu Christi creditus saluari, quēadmodū & illi. Quū audis Petri uocē: Nunc ergo quod tentatis

tentatis deū imponere iugum &c. Nōne satis expressissime uidetur tædi-
um Mosaicæ seruitutis, quo laborare uidentur & illi, qui dicunt in psal-
mo: Disrumpamus uincula eorum, & proīciamus à nobis iugum ip-
sorum. Nec dissimili sermone succinit Iacobus: Propter quod ego iudi-
co non inquietari eos, qui ex gentibus conuertuntur ad deum. Cæte-
rum quemadmodum prædictum erat, ut docet Paulus apostolus fo-
re, ut reiectis ob incredulitatem Iudæis, gentes reciperentur ad Euan-
gelij gratiam, Ita prædictum erat futurum, ut carnales ceremoniæ le-
gis uerterentur in cultum pietatis spiritualem, ut circuncisio corporis
uerteretur in circuncisionem cordis. Sic enim loquitur apud Hieremi-
am dominus: Nouate uobis nouale, & nolite ferere super spinas, circū-
cidamini domino, & auferte præputia cordium uestrorum, uiri Iuda
& habitatores Hierusalem. Quod hic per prophetam nouale uocat, in
Euangelio dixit, uinum nouum non committendum utribus ueteri-
bus. Vtricq; concinit Paulus, negans esse Iudæum, qui pelliculam cor-
poris habeat amputatam, sed qui mentem habeat repurgatam à cras-
sis cupiditatibus, quæ militant aduersus spiritum. Quin apud Esaiam
deus iam tum fastidit uetera ieunia, ueteres uictimas, uetera sabbata,
ueteres solēnitates. Quare fastidiebat: Quia erant carnalia, & pater ta-
les amat adoratores, q; in spiritu adorat ipsum. Spiritus est deus, & spi-
rituali cultu delectatur. Poscebat hunc ordinē imbecillitas humana, ut
prius esset quod carnale est, sed ita, ut per carnē p̄ficeremus ad spiritū.
Alioqui quid dicit dominus in Gen. Nō permanebit spiritus meus in
homine in æternū Quā obrem nō manebit: Quia caro est, inquit. Nō
auersatur deus carnis substantiā quā condidit, qui nihil cōdīdit, quod
bonū nō sit, sed odit crassos & carnales affectus. Habuerunt ætates se-
culi publicam quandā, ut ita dicā, infantiam suā. Huius pædagogus erat
lex Mosaica. Habet & nostrū quisq; suā quādam infantiam in Christo.
Habet & ecclesia suas quasdā ceremonias, quibus fouet ætatem imbe-
cillum, donec robur colligat augescens in fide & charitate Euangelica.
Tolerat deus ad tempus carnales, si paulatim extenuetur in spiritum,
at non tolerat in æternum. Portentum est, infantia perpetua. Tempe-
stiuam pueriam exosculamur, blandecq; souemus in liberis nostris,
uelut ostentum abominaturi puerum annorū triginta. Quām diu ra-
tio non exerit uim suā in nobis, haud ita multū differimus à brutis. Et
quām diu tales sumus, meremur ut bruta animantia tractari. Fune du-
cuntur boves, iugo premuntur tauri, freno reguntur equi mulicq;, capi-
stro ducuntur asini, nare trahuntur bubali. Sed quoniam hæc non mu-
tant naturam suam, & seruituti nata sunt, perpetuo iugo premuntur.

At

At hominibus tantisper adhibetur iugū, donec explicit se uis rationis
 donec emicet ignis charitatis Euāgelicæ. Christus tametsi per propheta
 suos prædixerat ad Euāgelij lucē euanituras umbras legis Mosai-
 cæ, ad Euāgelij libertatē & gratiam, relaxādum esse iugū carnalium
 obseruatiuncularū, tamen ut omnes ad se pelliceret, obseruauit quidē
 ipse quod lex præscripserat. Sed tamen interim präludit nōnunqz ab-
 rogandæ legi, dum semel atqz iterū sanat hominē in sabbato, dum di-
 scipulis patrocinatur aduersus pharisaos calūniantes, qd' spicas uelle-
 rent in sabbato, dū palā testificatur filiū hominis dominū esse etiā sab-
 bati, dum iubet eos ire ac discere, quid sit misericordiam uolo, & nō sa-
 crificiū, dum hactenus damnat superstitionem obseruationem earū re-
 rum, quæ ad tempus erant institutæ, ut figuram haberent rerū spiritua-
 lium, quod harū prætextu negligeret ea, quæ suapte natura, semperqz
 pia sunt. Ad hanc libertatem gestiebāt & apostoli, dum freti suo præ-
 ceptore in uellendis spicis negligunt sabbatū, dum non ieunāt, in quo
 ipso Christi patrocinio defensi sunt, dū audent peccatorū & publica-
 norum interesse cōuiuīs, dum negligūt pharisaicas, & Christo quoqz
 damnatas constitutiūculas, de lauandis urceis & æramentis, de lotione
 manuū ante cibum, de lotiōe corporis totius, siquādo redissent à foro.
 Nimirum tametsi rudes adhuc, ac planè Iudaismū sapientes, unde &
 Christus eos paruulos uocat, hoc est, ^{viii}π' 80, tamen ut sodales sponstue-
 luti gestiebāt ad utcū qz gustatam Euāgelij libertatē. Et hinc totus ille
 fremitus pharisaorū, inde concursus in scelerata consilia Annæ & Cai-
 phæ. Sed discipuli Iesu nondū audēt palā exerere uocem Euāgeliā:
 Disrūpamus uincula eorum, & prōficiamus à nobis iugū ipsorum. Non
 dum em̄ uenerat spiritus ille igneus, q discuteret frigidas ac supersticio-
 has obseruatiūculas sabbatorū, neomeniarū, baptismatū, ieuniorum,
 ciborū & contactuū. Plus audent ebrīj musto cœlesti. Iam Petrus do-
 etus nihil esse cōmune, quod deus sanctificasset, nec esse respectū per-
 sonarum apud deū, sed omnes ex æquo æstimari fide Euāgeliā, non
 ueretur cōgredi cū Cornelio, non ueretur totū onus legis depellere ab
 ceruicibus gentium, nō ueretur deniqz uesci quibuslibet cibis, Paulum
 monitorem patienter audit, & obtēperat. Quid aliud uociferatur ex-
 iūs ille Iesu Christi præco Paulus, in omnibus concionibus suis, in
 omnibus epistolis suis, quām disrūpamus uincula eorum, & prōfici-
 mus à nobis iugum ipsorum, & tamen non desinunt tumultuari sy-
 nagogæ proceres. Quoties hinc seditio mota est Paulo? Quoties in
 periculo fuit ne dispergetur à Iudæis, nisi iudices Ethnici, Iudæis æqz
 res subduxissent hominem? Adeo nulla pestis nocentior religioni, qz
 ceremo-

ceremoniarum supersticio, quum hæc se potissimum religionis specie
 commendet. Quid multis, tam pertinax erat cōspiratio synagogæ ad/
 uersus Christum domini, ut nisi pertinacissime clamasset Paulus: Dis/
 rumpamus uincula eorum, & proīsciamus à nobis iugum ipsorum, in
 uinculis, in medijs uitæ discriminibus, Imò nisi mortuus etiam clama/
 ret, adhuc circūcideremur, adhuc insuauit iugo legis Mosaicæ premere
 mur. Græcia, quoniam mordicus adhæsit doctrinæ Pauli sui, semper
 purior fuit à Iudaismo. Cæterū Augustinus tot annis post ætatem Pau/
 li queritur conditionem Iudæorū fuisse potiorem conditione Christi,
 anorum, & tantum in Africa fuisse Iudaicæ superstitionis, ut temulen/
 tia, ut adulterium, cæteraque uicia pro ludo ducerentur ab his, qui crimē
 inexpiable putabant intra sabbatum, nudo pede contigisse terram,
 propterea quod Africa, ut linguae commercio, sic etiam gentis cogni/
 tione iūcta fuerit Hebræis. Roget aliquis, quæ res commouebat phar/
 isæos, ut tantopere pro frigidis & inacmenis obseruatiūculis digladia
 rentur aduersus Euangelicam libertatem? Hoc abunde docet historia
 Euāgelica. Ambitio, auaritia, liuor instigabat illos. Populus rudis mi/
 ratur ea quæ uidet, nec ulla re facilius dicitur, imò deluditur, quæ falsa
 specie religionis. Regnum quoddam obtinebant pharisæi, præscribe/
 bant populo, addebant onus oneri, quo magis illum haberent obno/
 xiū, erant in precio, habebātur semidei, atque interim seruiebant uen/
 tri suo, consulebant rei familiari. Quemadmodum autem tyrannis ex/
 pedit, ut quam minimum sapiat, quam minimū generosi spiritus ha/
 beat populus, ita illis expediebat, ut populus iugiter in hac infantia p/
 seueraret, nequādo iugū excuteret. Eximiū est, Euangelicū est, sed dif/
 ficile est imperare liberis. Tyrannicū est, ac facile imperare asinis ac stu/
 pidis. Itaque pro suo regno dimicabant pontifices ac pharisæi. Suis cō/
 modis priuatis populi malo seruiebant. Et utinā aliquando finis esset
 huius tumultus aduersus Christū. Nulli seculo defuerūt, nec ulli defu/
 turi sunt sui pharisæi, suus Caiphas, suus Herodes, suus Pilatus, suus
 populus pharisæorū ac principū furori subseruiētes. Quisquis fremet
 aduersus sermonem Euāgelicū, tumultuatur aduersus Christū. Quis/
 quis cōspirat aduersus præcones Euangelicæ doctrinæ, cōspirat adue/
 sus apostolos Christi. Nec alia res sic instigat mundū aduersus sermo/
 nem Euangelicū, nisi quæ res incitauit pharisæos aduersus Christum.
 Qui de mūdo sunt, amant ea quæ sunt huius mundi. Amant primos
 accubitus in conuiuījs, amant ambulare in stolis & phylacterijs con/
 spicui, amant salutari rabbi in foro, amant ocium, amant ex alieno
 uiuere,

uiuere. Diligunt opes, diligunt uoluptates carnis, diligunt tyrannide.
 Et ideo non ferunt sermonem Euangelicum, quia cōtrarius est cupidi
 tibus ac factis ipsorum. Hinc illi insani tumultus, primū exoriētes à
 fucatissimis phariseis, mox adiunctis & alijs sectis, adiūctis pontifici
 bus & senioribus. Inualescētes tandem, & è populo plerisq; pertractis
 in rabiem, & prophana præsidis potestate, alieno furori seruire coacta
 ueluti omnibus copijs, ad certam uictoriam, & exitium Christi de
 uotis animis properant. Non enim adeo cæcus est mūdus, quin intel
 ligat ad opprimendam ueritatem, magnis opus esse uiribus. Quid in
 terim humili ille Christus? Defertur, capitur, ligatur, cæditur, dānatur,
 crucifigitur, moritur, sepelitur, insultant pharisei: Descendat nunc de
 cruce. Vah, qui destruit templum dei, alios saluos fecit, seipsum nō po
 test saluum facere. Hæc nimirum est uox mundi, uictoriam suam ia
 stantis aduersus sermonem Euangelicum. Quid interea pusillus ille
 grex? Fugitat, latitat, mussitat. Et tamen apud se non desinit, uel gemi
 tu dicere: Disrumpamus uincula eorum, proijciamus à nobis iugum
 ipsorum. Iugū Ethnicorum, ut dicere cœperam, sunt fasciæ peccatorū,
 quibus astrictus erat ille paralyticus, cui dixit Iesus: Remittuntur tibi
 peccata tua. Iugum phariseorum, sunt fasciculi constitutionum huma
 narum, quas illi iuxta testimonium Euangelicū colligunt, & imponūt
 humeris alienis onus importabile, quū ipsi digito nolūt tangere. Hos
 tantos laqueos, hæc uincula, hoc iugum quomodo poterunt effugere
 simplices & imbecilles Christi discipuli, aduersus mundum tanto con
 sensu frementem? An despondebit animum, an excusso suaui Christi
 iugo, ceruicem præbebit in amœno iugo mundi? Nequaquam, sed un
 de solatium: unde præsidium? Audiat dominū suum: Nolite, inquit,
 timere pusillus grex. Ac rursus: Confidite, quia ego uici mundum. Ha
 bes solatium, nunc audi præsidium: Qui habitat in cœlis irridebit eos,
 & dominus subsannabit illos. Tantum abest ut terræ principes uicto
 riā auferant aduersus Christum, ut pro sperato triumpho risum &
 sanas sint reportaturi ex insano tumultu. Sed quid interim faciet pusil
 lis ille grex? Nū tumultu pugnabit cum tumultuante mundo? Num
 fraudem fraude, dolum dolo, uim ui propellat? Non arbitror. Quid igi
 tur? P̄s precibus implorabit opē sui principis, qui est in cœlis, dicetq;
 cum ecclesia apostolica, sublatis in altū & oculis & manibus & animis:
 Et nunc domine, respice in minas illorum. & da seruis tuis cum omni
 fiducia loqui uerbum tuum. Paulus alligatus uinculis magistratuū nō
 desinit tamen gloriari, sed uerbum, inquiens, domini non est alligatū.
 Non

Non sunt exacerbādi mūdi proceres, quoād fieri potest, sed nō est oī
mīnno tacendum dei uerbum. Erunt in quos sit extergēdus puluis pe-
dum, sed rursus erunt, qui cum gaudio excipiāt sermonem Euange-
licum, & ferent fructum, aliis tricecuplum, aliis sexagecuplum, aliis
centuplum. Sed priusquam altius ingrediar huius enarrationis pēla De personis
huius loci.
gus, præstiterit aliquos scrupulos prius discutere. Primum de personis
loquentis, mox de figura, formaqz sermonis. Nam si quæ præcedunt:
Disrumpamus uincula &c. dicūtur sub persona discipulorū Christi.
Quæret aliquis, cuius persona dicuntur hæc: Qui habitat in cœlis irri-
debit eos, &c. Hilarius uidetur tribuere sermonem hunc personæ pro-
phetæ, qui consoletur Christi discipulos, addens animū aduersus ina-
nia mundi machinamenta. Sed rursus existit altera dubitatio, an to-
tus hic uersus, qui constat duobus membris, pertineat ad unam perso-
nam, an altera pars pertineat ad patrem, altera ad filiū. Hilarius sub-
indicit hic quoque seruatam personarum discretionem, quemadmo-
dum in eo, qui præcessit: Aduersus dominum, & aduersus Christum
eius. Quemadmodum enim contumelia communis est patri ac filio,
ita uindicta cōmunis est utriqz, quo quidem ex argumento colligunt,
eandem patris ac filij naturā. Vis & operatio communis est utrique,
sicut pater suscitat mortuos & uiuificat, sic & filius quos uult uiuificat,
Ita cōmunis est honor. Nec enim pater iudicat quenqz, sed omne iu-
dicium dedit filio, ut omnes honorificet filium, sicut honorificauit pa-
trem. Cōmunis & contumelia, qui non honorificat filium, non hono-
rificat patrem, qui misit illum, & ideo qui conueniunt aduersus domi-
num, conueniunt & aduersus Christum eius. Similiter & hic quos irri-
det alter, alter subsannat. At interim existit dubitatio, utra pars, utri
personæ sit accōmodāda. Hilarij quidem sermo subobscurus est, quo
locum hunc exponit. Tamē is uidetur priorē partem tribuere deo pa-
tri, posteriorem filio. Visum est enim patrem hac metonymia signare
qui habitat in cœlis, non quod filius nō esset in cœlis, quantū etiam di-
catur in cœlis fuisse, quū mortali corpore uestitus, uersaretur in terris,
sed quod eo tempore, ad quod refertur hæc prophetia: filius dei descē-
derat in terra, assumpta natura humana, quum hæc dispēsatio corpo-
ris assumpti, nō competat in personam patris. Ac proinde nec missus
unquam dicitur, sed mittens, quū filius ac spiritus sanctus mitti legan-
tur. Ad hæc studiosi rerum Hæbraicarū, docent hanc particulam, qui
habitat in cœlis, esse unū e sacris cognominibz dei. Irridet igitur pater,
subsannat filius, sed eadem est irrisio, eadem subsannatio. Diuus Au-

y gustinus

gustinus, ut ante diximus, non arbitratur esse notatam discretionem personarum, sed eandem sententiam esse repetitam, uerbis dumtaxat immutatis, quod ante docuimus esse solenne in mysticis literis.

Porrò quum utraque sententia sit probabilis, ego tamen, si quid habet momenti calculus meus, malim hac in parte Augustini iudicio subscribere. Atque hactenus de personis. Nunc de schemate sermonis, quod polliciti sumus præstabimus. Frequenter in diuinis literis affectus humani tribuuntur deo, furor, ira, pœnitentia, gaudium, dolor, misericordia, quum nihil horum cadat in naturam diuinam, quæ prorsus est immutabilis. Sed ex rerum mutatione quæ nobis accidit, iuxta consuetudinem mysticæ scripturæ affectuum uocabula deo tribuuntur, ut irasci dicatur, quoties afflicti malis scelerum nostrorum pœnas damus: furere, quoties durius affligimur: misereri, quoties præter meritum nostrum rebus lætioribus fruimur, aut quoties minoribus malis admonemur, ut resipiscamus: pœnitere quum ita uiuimus, ut illi⁹ bñficio prorsus uideamur indigni, quotiesq; sua munera quibus abutimur, aufert à nobis. In nobis igitur sunt affectionum huiusmodi uel causæ, uel effectus, quum deus semper sit trāquillus & immotus. Ergo quum ille sit immunis ab omnibus animorum affectionibus, multo minus in illum competant affectiones corporis. Mens est deus, sed simplicissima, Corpus nullo modo dici potest, nisi corpus dixeris rem, quæ suapte natura subsistat: sed nobis irridet, qui rictum oris diducit. Id Physici putat accidere motis spiritibus circa reticulum diaphragmatis, quod dirimit cor ab inferioribus, nasci dicunt è spleenè. Proticiscitur autem ferè è gaudio, nonnunquam ex amarulentia qui risus dicitur Sardonius. Subsannat autem qui corrugato naso deridet. Nam nasum irrisioni dicauit antiquitas. Hæc adeo non conueniunt in deum, ut probis etiam uiris habeatur indecora. Verum quod magis intelligatur scriptura sacra, suum sermonem ad nostros affectus attemperat. Irridere dicitur impios deus, quoties illorum conatus in diuersum recidunt, & molientes perniciem alijs, suis ipsorum consilijs illaqueantur. Est autem hæc peculiaris ars, ut ita dicam, diuinæ sapientiæ, ita temperare conatus malorum, ut illorum impietatem uertat in suam gloriam: & exitium, quod alijs intentant, uertat in autorum perniciem, & in bonorum felicitatem. Sic passus est Pharaonem aliquid sui saeuire in populum suum, quo liberantis illustrior esset gloria, & omnibus palam fieret impium regem, cum impio satellitio, iusta dei uindicta perisse. Eludit igitur quodammodo, qui sciens ac

*De tropis hu-
ius loci.*

uidens

uidens patitur impietatem eosque ferocire, donec semetipsam inuol-
uat exitio digno. Nimirum hoc est, quod legimus in cantico uirginis
matris: Dispersit superbos mente cordis ipsorum. Rursus in alio psal-
mo: Ecce parturit iusticiam, concepit dolorem & peperit iniquitatem.
Audis molitiones conspirantium. Nunc audi quomodo illos irride-
at is, qui habitat in cœlis: Lacum aperuit & effodit eum, & incidit in la-
queum quem fecit. Conuertetur dolor eius in caput ipsius, & in uerti-
tem eius iniq[ua]tas ipsius descendet. Similem uocem subsannantis au-
dis psalmo quinquagesimo sexto: Filij hominum dentes eorum ar-
ma & sagittæ, & lingua eorum gladius acutus. Audis fremitus ac mi-
nas coniuratorum. Sed ut intelligas eum qui habitat in cœlis, superio-
rem esse consilijs ac uiribus humanis: Exaltare, inquit, super cœlos
deus, & super omnem terram gloria tua. Nunc uide quemadmodum
irrideat illorū impios conatus diuina sapientia: Laqueum parauerunt
pedibus meis, & incuruauerunt animam meam: Foderunt ante fa-
ciem meam foueam, & inciderunt in eam. Item psalmo tricesimo
sesto: Obseruabit peccator iustum, & stridebit super eum dentibus su-
is. Dominus autem deridebit eum, quoniam prospicit quod uenient
dies eius. In eandem sententiam concionatur æterna sapiëtia in pro-
verbij Hebraeorū. Coniurant & illic impij dicentes: Insidiemur san-
guini, abscondamus tendiculas contra insolentem, frustra, deglutiamus
eum sicut infernus uiuentem, & integrum quasi descendenter in la-
cum. Sed quid illis respondet spreta sapientia? Ego quoque in inte-
ritu uestro ridebo, & subsannabo, quum uobis id quod timebatis ad-
uenerit, cum irruerit repentina calamitas, & interitus quasi tempestas
ingruerit, quando uenerit super uos tribulatio & angustia. Tunc in-
uocabunt me & non exaudiam: mane consurgent, & non inuenient
me. Simile quiddam inuenire licet, & in prophanorum poëtarum lite
ris. Apud Homerum Iupiter exitiabili somnio misso, spem facit Aga-
mennoni capienda Troiæ, quū Græcis omnibus cladem & exitium
pararet. Vnde & $\alpha\gamma\kappa\lambda\omega\mu\kappa\tau\iota\mu$ eum appellat poëta, hoc est, obliqui co-
silij. Sic & apud prophetam mittitur spiritus domini mendax, qui
fallat eos, qui nolebant audire spiritum ueracem. Deridetur & in euangeli-
o diues ille, qui dilatatis horreis decreuerat suauiter ac sibi uiuere.
Quid enim audit, uelut à deo subsannante? Stulte, hac nocte repo-
scunt abs te animam tuam, & haec quæ congregasti cuius erunt? Paulus

item scribens Timotheo , meminit spirituum impostorum, per quos in exitium pertrahuntur , qui pertinaciter conspirant aduersus spiritum ueracem Euangeli. Sic enim & idem docet Paulus : Deus stultam facit sapientiam huius mundi, & sapientes comprehendit in astutia sua , tradens illos in reprobum sensum , ut ea faciant quæ non conueniunt, quoniam excætati superbia, maluerūt seruire creaturæ, quām agnoscere creatorem, ut ipsi sibi dignam erroris mercedem accersant. Iam si quis ad hoc uaticinium conferat historiam Euangelicam, is facile perspiciet quoties , quot modis dominus è cœlis eriserit ac subsannarit impiorum hominum consilia . Primus omnium exitium puerom machinatur Herodes , consulit scribas , expiscatur à magis tempus stellæ, hortatur ut uestigent puerum, uelut ipse quoque adoratus si repertus esset. Quid hisce rebus profecit uulpina prudentia? Consueldo scribas , confirmat uaticiniū ueritatem . Sciebant ex prophetia nasciturum in Bethlehem , atque illic natus est. Confirmatur & magorum narratio , qui stellæ ductu peruerterant Hierosolymam. Rumor latius spargitur sollicitudine principis. Magorum pietas accenditur regis simulatione . Adorant pñ quem quarebant, impius rex eluditur , magis angelo monitore per aliam viam reuersis in regionem suam. Iam impotens ira , uulpinam pellem exuit , & arripit leoninam , palam furens, sœuit in ætatem etiam hosti miserabilem. Cru deli edicto iubet occidi, quicquid natum esset masculorum intra fines Bethlehemiticos , usque ad bimatum . Dilatat locum , ne possit falli uerbis prophetiæ, quæ fortè Bethlehem dixerant, non uiculum ipsum sed quicquid circumiacētis territorij ad uiculū pertineret. Dilatat ætatem, nec ulli parcitur, ne qua posset unus elabi. Atque his quoq; rebus declarat se credere prophetiæ, declarat se credere magis iā Christū esse natū . Atq; hic rursus eluditur impia prudentia, primitiæ martyrum Christo cōsecrantur, Christus qui solus petebatur, solus elabitur. Herodis immanitas exitio digna cunctis mortalibus declaratur. Aegypti tū superstitione dæmonū cultui dedita, seruatoris sui cunabulis cōsecratur. Deluditur & ille salutis humanæ sempiternus hostis, qui per Herodem exitium Christo moliebatur. Adoritur enim uarijs tentationum insidijs, ut si rationem diuini consilij certo potuisset elicere, salutem orbis impediret. Sed reuincitur à Christo , & reuincitur suo gladio . Tentabat ille fallere diuinæ scripturæ uerbis, eiusdem scri

pturæ uer

pturæ uerbis, eiusdem scripturæ uerbis retunditur. Denique ita discedit, ut prorsus inuincibilem uideret, quem tentabat, nec tam liquido cognosceret esse deum, quem ut hominem uidebat esurientem. Huius satellites quoties clamant per hominum miserorum ora: Scimus quod sis filius dei, uenisti ante tempus perdere nos. Sed non accipit testimonium ab impuris spiritibus, qui cæcorum & muliercularum testimonium non aspernabatur. Hic erat ille serpens callidissimum animal totius terræ, qui semel imposuerat ueteri Adam, per seductam mulierem, sed idem per nouum Adam suis artibus deluditur, nec prius sentit se uictum, quam cum ipse sibi certam uictoriam polliceretur. Quis enim expectaret per ignominiosum lignum crucis iter esse ad immortalem gloriam? Quis crederet supplicio parari regnum, morte uitam redimi? Hic erat astutus ille ueterator, qui per organa sua Pharisæos & Scribas toties insidias struxit I E S V, captiosis interrogatiunculis uenantes, unde illum caperet. Nec aliud interim efficiunt, nisi quod & suam amentiam, & liuorem traducerent etiam apud imperitam multitudinem, & C H R I S T I gloriam illustrarent, & autoritatem confirmarent. Calumniantur illius miracula, uelut ea patraret præsidio Beelzebub. Ea calumnia uertitur in gloriam dei, dum argumentis irrefutabilibus C H R I S T V S docet illa non posse fieri, nisi uirtute dei. Quo magis student illi detrahere apud populum, hoc magis excitant illius admirationem, humanam ac fraudulentam sapientiam ubique superante diuina sapientia. Nonnunquam & clam illi obmurmurant. Et hic deluduntur, dum I E S V S respondet ad tacitas illorum cogitationes, & aliâs ita responsum temperans, ut tecte percutiat illorum conscientiam. Iam dum lapidantium manibus elabitur: dum præcipitandus per medios cuneos euadit, nonne bis deluditur hominum conspiratio? Nam nec datur illis saeuendi portetas in quem uolunt: & nobis declaratur illum sponte mortem pro nobis oppetisse, qui suo, non illorum tempore mori uoluerit. Ac ne singula persequens, tædio sim lectori, quam male cessit Iudæis, quam bene nobis illud consilium, quod illis uisum

est uehementer callidum, ut I E S V S specie legitimi iudicij periret, quo sic ab omnibus scelerosus ac maleficus haberetur. Hic nihil agitur, nisi frequenti consilio Phariseorum, Scribarum, Seniorum & Pontificum: Attrahitur & populus, ne quem latere posset illa sacrosancta uictima, quæ pro totius mundi salute erat immolanda. Astutia suadebat illis, ne occideretur in die festo, sed impotens illorum furor, subseruit diuino consilio, cui decretum erat ab æterno, ut uerum illud phase die paschæ maectaretur. Pecunia redimitur opera discipuli ad prodendum dominum suum, atque hic dum nummos ad pedes abiicit, dum de se ipso supplicium sumit, nonne graue testimonium etiam apud ipsos reddidit innocentiae C H R I S T I? Imò dum ipsi præpostera religione decernunt, & in hoc conuocato consilio, nummos eos non esse deferendos in corbonam, sed his agrum redemerunt, in sepulturam pauperum & peregrinorum, ut nomen etiam ipsum testaretur innoxium caput precio uenditum, nonne ipsi & sua maliciæ, & C H R I S T I innocentiae testes esse uoluerunt? Dum per subornatos falsos testes accusatur apud impium sacerdotem Caipham, Dum in tali quoque iudicio reuiciuntur illorum testimonia, nonne illorum malicia seruatoris eximiam illustrat innocentiam, in quem ne fangi quicquam potuit probabiliter? Dum ex officio suo uaticinatur Caiphas: dum ex adiurato confessionem extorquet: dum scindit uestimenta sua coram omnibus, nonne suo testimonio confirmat consilium redemptionis? Nonne nostræ fidei consuluit, qui certius iam nouimus eum esse filium dei, uenturum aliquando cum angelis suis, ad iudicandum uiuos & mortuos? Nonne didicimus scissis uestibus abollendum sacerdotium Mosaicum? Nec aliter illis cecidit illud consilium, quod ut à se depellerent inuidiam mortis, quem sciebant innocentem, deducunt ad prætorium Pilati. Si quidem dñm ethnicus ille, qui neque legem nouerat, neque uiderat C H R I S T V M ædentem miracula, neque docentem audierat, tot modis obnititur illorum uesaniæ, ut innoxium eriperet, dum negasse inuenire in homine ullum crimen morte dignum: dum reli-

gione

gione diei festi ; & Barrabæ seditionis homicidæ collatione stu-
det opitulari C H R I S T O tot beneficijs noto : dum flagellatum
producit , quo uel suppicio satiatus illorum liuor mitesceret: dum
ab uxore quoque submonetur , ne se contaminet sanguine in-
noxij : dum omnibus tentatis , tandem manus abluens , testatur
sele immunem à sanguine C H R I S T I : nónne hæc omnia Iu-
dæorum consilio procurata , miris argumentis confirmant inno-
centiam C H R I S T I , etiam apud gentes ? Ac dum Iudæi tot
rebus implacabiles , uelut in rabiem acti , non cælant amplius a-
mentiam suam , sed clamant: Crucifige, crucifige: Sanguis eius su-
per nos , & super filios nostros. Et: Non habemus regem nisi Cæ-
sarem , nónne palam faciunt omnibus , sele esse dignos exitio ,
quod postea legimus in gentem eam ingruisse ? Pilatus damnari
do I E S V M absoluīt , immunitatem præfatus , antequam damnati-
onis sententiam pronunciaret non ex animo suo , sed ex illo-
rum uesania . Qui deprecatur iudicij vindictam , nimirum inno-
centem pronunciat eum qui damnatur: & qui se pronunciat immu-
nem , grauat eos , quorum inuidia opprimitur innoxius . Quod
nec Euangelista tacuit: Sciebat enim , inquit , quod per inuidiam tra-
didissent eum. Iudæi sele damnant apud tribunal , & in suum ca-
put accersunt vindictam diuinam . Quid multis ? Dicitur & ad
Herodem , ut illinc quoque referret innocentiae suæ testimonium:
Contemptum eum remisit Herodes , non damnatum : & contem-
ptum ob silentium , non ob crimen , qui tamen multis nominibus
accusaretur. Legimus enim à discipulis admonitum I E S V M , caue-
ret , quod Herodes captaret occasionē occidendi illum. Intellexit &
impius rex , & inimicus , hominis innocentiam. Fama duntaxat co-
gnitum quærebat occidere , cōspectum dimittit: ex quo colligimus
integritatem animi in ipso domini uultu relaxisse. Iam chlamys coc-
cinea , corona spinea , arundo sceptri uice data , colaphi , alapæ , spu-
ta , uerbera , conuicia , scommata , ludibria , & si quid aliud Pilati co-
hors ante supplicium legítimum ex suo ingenio debacchata est
in I E S V M , dubium non est quin instigatoribus Iudæis sit pera-

etum. An non hic quoque peruersitas illorum subseruit uaticinij prophetarum, quæ hæc ita futura prædixerant, & insignem C H R I S T I nostri mansuetudinem orbi commendauit? Similiter quod genus mortis probrofissimum illis potissimum placuit, quod inter facinorosos crucifixus est extra ciuitatem, quod in monte, quod perfossi pedes ac manus, quod aceto potatus, quod in cruce pendens, amarulentissimis conuicjjs impeditus est. Hæc præterquam quod ita procurata sunt à Iudæis, quasi sollicitis, ne qua pars uaticiniorum de C H R I S T O uideretur prætermissa, quo magis declarant insanum, & immedicable odium Iudæorum in C H R I S T V M , hoc magis illum commendant, & amabilem reddunt affectibus nostris. Quis magis potuit resurrectionis fidem astraere quam isti, dum tanta solitudine publicam custodiā petunt à Præside: dum hoc non contenti, sepulchrum obsignant, ne clam uideri posset sublatus à discipulis. Postremo ubi uident tot consilijs nihil actum: ubi uident omnia in diuersum cedere, qui mentem discipuli pecunia corruerant, nunc mendacem linguam custodum mercantur magna, ut ait Euangelista, summa, ut dicerent ipsis dormientibus uenisse discipulos, ac furtim sustulisse corpus I E S V . Quid stolidius? Iam custodes passim narrauerant, quomodo expauissent ad fulgorem angeli: quid audissent illum loquentem cum mulieribus: quomodo uidissent sublatum saxum quod hactenus fuerat obsignatum, & maius erat, quam ut à paucis tolli posset. Nunc dormientes uident adrepentes discipulos, & suffurantes corpus I E S V . Quis hæc orbi fuerat persuasurus, ni Pharisæorum impia diligentia tot argumentis procurasset fidei nostræ certitudinem? Nonne in his omnibus machinamentis, qui habitat in cœlis irrisit impios tumultuates in terris, & dominus sub sanauit illos? Ille quem tot ignominij ornarunt, in gloria est dei patris: quem funditus extinctum putabant, salutē attulit omnibus gentibus: quem mortuum existimabant, reuixit, uicturus in æternum: quem infra omnes homines deicerant, ac uermem reddiderant, ac projectamentum plebis, in toto orbe deus & homo colitur, & adoratur. Crux illa prius ignominiosa, gloria est principum, ac fidelium

fidelium omnium. Ad nomen Iesu quod illi moliebantur funditus
abolere flectitur omne genu, seque submittit omnis celsitudo cœli ac
terræ. Quid ais infelix Iudæe, uides ut omnia tua consilia deus uerte
rit in diuersum: Vides ut in tuum caput iniquitas tua descenderit. Vi
des te in soueam incidisse, quam foderas. Vides templū funditus di
rutum, sic ut nec reliquiarum quicquam appareat, religionem peni
tus extinctam, sacerdotium, legem, principatum, urbes, gentem, lo
cum, breuiter nihil superesse, præter paucos uagos & exules ueteris
insaniæ, calamitatisque testes, & hos ipsos non alia re incolumes, quā
Pauli commendatione, quē crudelissime persequebantur, & Christia
norum, quos insanissime oderunt, clementia. Habes Iudæe infelix
sanguinem innoxium accersitum in caput tuum, ac filiorum tuorum,
fruere. Habes regem cæfarem, Christo prælatum, fruere. Ac ne sic qui
dem resipiscis, & agnoscis cæcitatem tuam. Adhuc spiras odium in re
gem Iudæorum, quem nos adoramus? Quid tu satana, horum ma
lorum autor, & instigator? Nōnne uides omnia tua consilia delusa
cœlitus? Deuoraueras prædam, sed coactus es reuomere. Parabas
exitium humano generi, & maturaſti salutem. Conabar is stabilire ty
rannidem tuam, & perdidisti regnum. Agnoscis ne lignum illud,
quod per tuos misisti in panem illius? Agnoscis ne triumphale
signum, ad quod pauitant tuæ cateruæ? Agnoscis ne nomen illud
Iesu, ad quod exiliunt, fugiuntque dæmones? An non merito uer
sis in diuersum rerum uicibus, uictor ille tibi uicto insultat? Vbi est
mors stimulus tuus? Vbi est mors uictoria tua? Ac dum uictus eti
am ac prostratus in uictorem recalciras, dum iam olim Phariseos
acregeſ gentium instinctu tuo furere compellis in martyres, quid uin
culis, carceribus, lapidibus, flagris, eculeis, ungulis, ignibus, quid
tot horrendis tormentorum generibus, quid tot mortibus profecisti?
Confirmasti fidem Christi, Conſtabilisti ſimul, ac dilataſti regnum
Christi, tibi tuisque membris gehennæ cruciatus conduplicasti. Par
tim debemus tuæ pertinaci uefaniæ, quod in toto terrarum orbe glo
riosum est nomen domini Iesu Christi. Et quotidie tuos inuidos co
natus irridet qui in cœlis eſt. Quotidie machinationes tuas subsannat
dominus, qui nouit omnes insidias, ac tumultus tuos ſuis uertere in bo
num, & in cumulum felicitatis æternæ. Sed prophetiæ tenorem perse
quamur. Sequitur enim: Tunc loquetur ad eos in ira ſua, & in furore
ſuo conturba

suo conturbabit eos. Hic primum oportet meminisse, quod superius dictum est nobis, diuinā naturam nullis perturbationibus esse mutabilem, sed per Synecdochen huiusmodi uocabulis significari non ipsum animi motum, sed quod ex animi commotione nasci solet in nobis, aut contra. Nobis enim quoties efferuescit sanguis circa præcordia, commouemur ad uindictam: Proinde solenne est diuinis eloquias, iustum dei ultionem qua punit incorrigibiles iram appellare: seuerioram aut extremam uindictam furorem. Rursum, quum nostra bonitate quis abutitur, tangimur dolore, quia pœnitentia beneficij male collocati. Deus igitur pœnitere dicitur, non quod aliquid præter spem eueniat, aut imprudenti, qui præscius est omnium antequam fiant, sed præcessit aliquid, quod nobis adferret pœnitudinem. Non in ueteris tantum testamenti libris ultio peccatoribus inficta, dicitur ira dei, uerum etiam in nouo. Sic enim loquitur Ioannes Baptista in Euangelio: Progenies uiperarum, quis uobis demonstrauit fugere à uentura ira? Et Paulus ad Romanos: Reuelatur enim ira dei de cœlo. Idem diem iræ uocat extreum illud tempus, quo quisque præsum feret pro suis factis, quum interim sit misericordiæ tempus. Porro quod Latinus interpres uertit furorem, nō est Græcis μάνια, qua recepti, mente capti dicuntur, etiam si iuxta philosophorum placita, ira nihil aliud est, quam breuis insania, sed δυμός quæ uox Græcis aliquando simpliciter significat animum, aliquando impetum animi uehementer concitat. Latini malū animos dicere, quam animum, quoties hūc impetu intelligi uolunt. Vnde Satyricus: Animos à crimine sumunt. In Hebræis uocibus aiunt esse minimum discriminis, ut appareat, & hic esse repetitam eandem sententiam, in ira, & in furore, quemadmodū superius in irridebit, & subsannabit. Nec interim est oscitantes prætereunda huius uocis emphasis. Tunc significat enim diuersarum rerum consequentiam ad ea quæ præcesserunt, indicat & tarditatem, & certi notique temporis habet significationem. Posteaquam igitur fremuerunt gentes, & populi meditati sunt inania, Posteaquam reges terræ conglomerati, & principes conuenientes in unum, nihil non machinati sunt aduersus dominum, & aduersus CHRISTVM eius, Posteaquam omnes illorum conatus in diuersum cessit, ut eorum astutia merito uideri possit elusa, consilio diuino, diuine & illi per exercitatem animi sui debacchati sunt aduersus redemptorem, & deus omnium

Tūc quid uia/
leat.

us omnium rreum præscius è coelis subsannauit illorum impia mol-
mina. Tandem loquetur etiam illis. Quomodo loquetur, & quan-
do loquetur? Loquetur illis in ira sua, & in furore suo. Loquetur
in illo die tremendo, quando iuxta Christi uaticinium, uirtutes coe-
lorum mouebuntur. Tunc horribili uoce loquetur in ira sua: Ite
maledicti in ignem æternum, qui præparatus est diabolo, & ange-
lis eius. Interim loquitur nobis in misericordia sua, tolerat, inuitat ad
resipiscientiam, nihil non facit, ut alliciat nos ad se. Augustinus ad-
monet hoc loco iram dei intelligi posse cæcitatem mentis, quæ con-
sequitur eos, qui diu multisque modis ad poenitentiam prouocati,
bonitate dei sunt abusi, & inde facti sunt sceleratores, unde debe-
bant emendari. Hanc iram uideamus ac dolemus adhuc in Iudai-
ca gentis reliquijs, quum uideant in Christo completum, quic-
quid de Messya prædixerant ipsorum prophetæ. Quum ex Euan-
gelica historia discere liceat, non aliud esse Christum, quam quem
nunc totus mundus colit. Quū sentiant sese irrisos non solum à deo,
sed etiam ab omnibus mundi nationibus, tamen adhuc maledicunt
Christo in synagogis suis, & Messyam nescio quem alium expectant,
quem non uidebunt, nisi in die iræ, nec audient, nisi quum in furore
suo conturbabit omnes impios. Et quum interim ex ipsis malis sen-
tiant manifestam iram dei in se, tanta tamen est animi cæcitas, ut
nec tam insignis uexatio det intellectum auditui. Nimirum hæc est
ira de qua loquitur Paulus scribens Romanis: Quia cæcitas ex par-
te contigit in Israël, donec plenitudo gentium intrarit. Hæc est ira
quæ tandem uenit super illos in finem, ut idem ait: Nec in Iudeos
solum, sed in gentes etiam, quæ pertinaciter restiterunt Euangeliu-
m dei, quæadmodū scribit Paulus ad Ephesios: Alienati, inquit, à via dei
per ignorantiam, quæ est in illis propter cæcitatem cordis ipsorum, qui despe-
rantes, semetipsos impudicitiae, & in operatione immunditiæ omnis, in
auariciam. Et aliquanto post: Propter hæc enim uenit ira dei in
filios diffidentiae. Hæc interpretatio nihil quidem habet, quod
abhorreat ab orthodoxo sensu, mihi tamen magis probatur, ut
iram hanc, ac furem domini accipiamus afflictionem, & obiur-
gationem, qua deus pertrahit nos ad resipiscientiam. Sic enim ille
subinde mutat uocem suam, nobis loquens olim per prophetas,
nunc per filium suum Iesum. Aliquando rerum successu prouo-
cat ad amorem eius, qui gratis tam multa confert immeren-
tibus nonnunquam immissis calamitatibus compellere conatur ad

poenitentiam

poenitentiam. Interim promissis blande inuitat, interim poenam minans terrorem incutit, ut emendemur. Quemadmodū pater nunc blanditur filio, ac donat aliquid adhortans ad officium, nunc minatur abdicationem, nōnunquam & flagris castigat, ut sese recipiat ad frugem meliorem, & quemadmodum medicus nunc secat uritqz, nūc lenibus unctionibus, ac malagmati mitigat uulneris dolore. Vis audire dominum, ueluti filio promissa mercedula blandiētem? Honora, inquit, patrem tuum, & matrem, sicut præcepit tibi dominus deus tuus, ut longo uiuas tempore, & bene sit tibi in terra, quam dominus deus tuus daturus est tibi. Libet audire seueram illam obiurgatricem ac minacē domini uocem. Sic loquitur apud Esaiam: Veh genti peccatrici, populo graui iniquitate, semen nequā, filijs sceleratis. Dereliquerunt dominium, blasphemauerūt sanctum Israēl, abalienati sicut retrorsum. Super quo percutiam uos, ultra addentes præuaricationem? Cæteraque permulta, quæ sequuntur in hanc sententiam. Quorsum autem pertinet hæc tam acris tamqz prolixa obiurgatio? Non aliò quām amarū pharmacum datum ægrotanti. Sed audi rursus apud eundem, hanc iræ furorisqz uocem cōmutatam in uocem clementiæ: Lauamini, mudi estote, auferte malum cogitationum uestrarū ab oculis meis. Qui escite agere peruersa, discite benefacere. Quærите iudiciū, subuenite oppresso, iudicate pupillo, defendite uiduam, & uenite & arguite me, dicit dominus. Si fuerint peccata uestra sicut coccinum, quasi nix dealba buntur, & si fuerint rubra sicut uermiculus, uelut lilia alba erunt. Si uolueritis & audieritis me, bona terræ comedetis. Sed uæ illis, q ad utrāqz domini uocem pertinaciter surdi sunt. Nam istos manet, quod sequitur eodem in loco: Quod si nolueritis, & me ad iracundiam prouocaueritis, gladius deuorabit uos, quia os domini loquutum est: Quid hoc sibi uult, si me ad iracundiam prouocaueritis? An non & ea quæ præcesserūt tam multa, uidentur hominis uehementer irati? Sed quoniam ostendimus iram domini uindictam intelligi, duplicem uindictam accipimus: alteram misericordē, qua corrigit: alteram ultricem, qua perdit. Qui priorem uindictam obstinate contemnūt, hos tandem manet posterior. Quod ne nobis eueniat, clamat spirit⁹ sanct⁹ in psalmo: Hodie si uocem eius audieritis, nolite obdurare corda uestra. Hodie est, quam diu sumus in hac uita. Audiamus igitur hodie uocē ei⁹, ut emendemur, ne post uolentes nolentes audiam⁹ uocem ei⁹, & pereamus in æternū. Verum huiusmodi uel sexcenta loca suppeditat nobis ueteris testamenti uolumina, in quibus subinde domin⁹ cōmutat genus

genus orationis suæ, si cui uacabit perquirere. Nos sat habemus, unum aut alterum indicasse. Quin & in noui testamenti libris, tametsi prædictatur lex gratiæ, & annūciatur tempus misericordiæ, tamen animaduertes utrāq; dei uocem in filio loquentem nobis. An non terrifica uox est, Ligatis manibus & pedibus mittite eum in tenebras exteriores, ibi erit fletus & stridor dentium. Item: Diuidet eum & ponet partem cum hypocritis. Rursus: Væ uobis Pharisæi, uæ uobis Scribæ, uæ uobis diuites. An nō iracūda uox est? Sed hæc ira surdastrorum expergescit ad pœnitentiam. Audi nunc uocem diuersam: Venite ad me qui laboratis & onerati estis, & ego reficiam uos. Tollite iugum meum super uos, & inuenietis requiem animabus uestris. Iugum enim meum suaue est, & onus meum leue. Austeram uox est, Vos ex diabolo patre estis, & opera patris uestri facitis. Sed huic diuersa est: Pater ignosce illis, quia nesciunt quid faciunt. Sic loquutus est & Paulo spiranti cædes ac minas aduersus discipulos domini: Saule Saule, quid me persequeris? Durum est tibi aduersus stimulum calcitrare. Deiectus est in terrā, exoculatus est, subito fulgore conturbatus est. Nimirū hoc est qd' ait: Et in furore suo conturbabit eos. Hæc salutaris erat iracūdia, quo pharmaco statim sanatus Paulus, respódet: Domine, quid me uis facere? Sic corpus ægroti conturbat medicus pharmaco uiolento, ut abeat morbus, & succedat sanitas. Quod egit deus p prophetas, qd' per filiū suū, hoc egit & per discipulos suos, & quotidie agit per bonos doctores & episcopos. Quoties Paulus mutat uocem suā in epistolis: nūc materna charitate blandiēs, obsecrans, & consolans: nūc autoritate apostolica minitans inobedientibus. Sed siue blandiūtur, siue obiurgat ac minitatur ecclesiæ proceres, non oportet aliò spectare, q; ad ædificationē. Sermo mutatur, sed idē est animus: mutatur remedij genus, sed eodē tenditur. Mauult Paulus semper uti lātis ac blandis, sed tamē aliquando coactus contristat animos suorum. Nec huius rei pœnitentia mitissimū apostolum tametsi pœnituerat. Dolebat huc adigi, ut filios suos charissimos mœrore afficeret. Sed gaudet ubi uidet illis bene uertisse pharmacū. Sic enim scribit Corinthijs in epistola posteriore: Quod & si contristauī uos in epistola, non me pœnitit. Et si pœniteret, uidens quod epistola illa & si ad horam uos contristauit, nūc gaudeo, non quia contristati estis, sed quia contristati estis ad pœnitentiā. Contristati enim estis sequundū deum, ut in nullo detrimentum patiamini ex nobis. Quæ enim sequundum deum tristitia est, pœnitentiā in salutem stabilem operatur. Seculi autem tristitia, mortem operatur. Loquitur autem deus bifariam nobis,

A per

per scripturas suas, & rebus ipsis. Frequenter itaq; uersandū est nobis in euoluendis sacris uoluminibus, ut audiamus quid ibi nobis loquatur dominus, dandaq; est opera, ne surdis loquatur. Porrò literarū imperitis, tamē frequenter loquitur, & hic oportet cordis aures habere patefactas, ne spernamus uocem domini. Si quid lātæ rei acciderit, ne imitemur illum, de quo scribit psalmographus alio loco: Incrassatus est dilectus, & recalcitrauit. Impinguatus, dilatatus, dereliquit deū factore suū, & recessit à deo salutari suo. Sed si senserimus nos obnoxios peccatis, gratias agemus clemētiæ dei, quæ nos malis dignos, beneficij etiā inuitat ad resipiscendū. Sin nullius mali erimus nobis consciū, studebimus aliquid accessionis adiungere pristinæ erga deum pietati. Si moribus aut alia calamitas inciderit, gratias agemus diuinæ bonitati, quæ nos oblitos nostri reuocat ad emendationem uitæ, hic flagellans filios suos, ne pereant in æternū. Quemadmodum scribit Paulus ad Corinthios: Dum iudicamur à domino, corripimur, ut non cum hoc mundo damnemur. Quod si quid afflictionis nobis immerentibus accidit, tamen agemus gratias deo, cuius bonitas suppeditat nobis materiā augendæ confirmandæq; pietatis. Quemadmodum docet Iacobus apostolus: Omne gaudium existimate fratres mei, quū in tentationes uarias incideritis, scientes quod probatio fidei uestræ, patientiā operatur. patientia autem perfectum opus habeat, ut sitis perfecti & integri, in nullo deficientes. Rogemus dominū, ut hac ira paterna semper flagellat nos, ut hoc furore conturbet nos, ut toti inhorrescamus ad agnitō nem peccatorū nostrorum, & contristemur sequundū deum in salutē, concutiamur terrore supremi iudicij ac gehennæ, ne nobis sic loquatur dominus in ira sua, quemadmodum locutus est Herodi, quem horrenda morte percussit angelus domini. quemadmodū loquutus est Hierosolymis, totiç; nationi gentis Israëliticæ, in quam sic sœvitum est à uictoribus Romanis, ut nec ætati, nec sexui parcitum sit, nec lapis relictus sit super lapidem, quia pertinaciter noluerunt cognoscere tempus uisitationis sua: nec satis habuerunt semel crucifixisse dominū gloriæ, nisi post resurrectionem quoç; pertinacissimis odijs eundem in discipulis suis fuissent persequuti. Itaq; relicta est eis sua domus deserta, nec ciuitatem habent, nec templum, nec regnū, nec sacerdotium, nec populum: imò quod est omnium infelicissimū, nec oculos habent ut uideant uoluntatē domini: nec aures habent, ut audiant quid loquatur dominus: nec cor habent, ut resipiscant & intelligent, & conuertantur ad regem suū, quem Cæsari quondam posthabuerunt. Quin & alijs multis gen-

tium

tiū principibus loquutus est in ira sua dominus, Neroni, Dioclitiano, Maximino, Juliano, qui manifesta dei uindicta perierunt in cæcitate cordis sui, subitoq; dum sese erigunt in cœlum, ac deo bellum inferunt, præcipites dati sunt in tartara. Posteaq; igitur propheta cœlesti afflatus spiritu, docuit uniuersos illos regum ac populorum tumultus fuisse inanes, illusos, & irrisos, nec ullam esse tantam potentiam, neq; cœlestium, neq; terrestrium, nec infernorū, quæ dei uindictam possit effugere, si loquatur in ira sua, & si in furore suo cōturbet hostes suos, nunc ostendit quod fuerit illud æternæ sapientiæ decretum, quod homines frustra conati sunt oppugnare. Iudæi mordicus tuebantur legem suā. Pharisei defendebant regnum suum, Pontifices depugnabant pro autoritate sacerdotij sui, Philosophi supercilium suum nolebant deponere, Reges omni uir depugnabant pro ditionis, aut legum suarū autoritate. Populus à superstitione, cui iam assueuerat, à uitij; iam in naturā ueris, non poterat auelli. Alius aliud spectabat, sed tamen aduersum Christum domini idē erat animus. Iudæus in religione dissidebat ab ethni co, sed concordabat in odio Christianorū. Reges inter se bellis dissidebant, sed in extinguendis Christi discipulis unanimis erant. Populus oderat principes suos ut tyrānos, & publicæ libertatis oppressores, sed sauentibus in Christianos fauebat. Philosophorum sectis nihil inter ipsos cōueniebat, sed omnes aduersus Euangelicam philosophiam coniurauerant. Sed inter hos tantos tumultus manet immobile decretum æterni regis: Ego, inquit, ordinaui siue unxi regem meum super Sion montem sanctum meū. Sic enim habet Hebraica ueritas, si quidem Hieronymo credimus, iuxta quam lectionem hæc uerba tribuntur patri: qui quum prius irrisisset & subsannasset eos, nunc incipit loqui & proferre potestatem, atq; autoritatem suam, cui par est omnem humanam autoritatem cedere. Tumultuaria militum manus crebat Cæsarem, Cæsar instituit reges ac præfectos. Et frequenter stultus populus asciscit sibi stultos & impios reges: quēadmodū olim populus Israéliticus, à deo flagitauit Saulem, fastidito Samuele: quemadmodū in apologis ranæ depositum à Ioue regem cōcūniam, cōtempta trabe. Sed qui habitat in cœlis, unū regem constituit immortalē, æternū, inuincibilē, immutabilē, summe sapientē, summe potentē, cui uni necesse est ut sese submittat omnis creatura quæ in cœlis, & quæ in terris, Is est dominus Iesus, quem frustra oppugnat mundus, cui à patre data est omnis potestas in cœlo & in terra. Iuxta translationē Septuaginta, uersus hic accommodatur filio: Ego autem constitutus sum rex ab eo super Sion

Ego autem
constitutus
sum rex.

monte sanctum eius. Porro quū in Hebræis uerbis nihil sit ambiguū, non video quid uitarint Septuaginta, præter duram ac subitam personæ mutationem. Quum enim præcessisset: Tunc loquetur ad eos in ira sua, & in furore suo conturbabit eos, Subdure cohæret: Ego autē ordinavi regem meū &c. quū prior uersiculus dicatur à propheta de patre, proximus ab ipso patre pronuncietur. Rursus qui sequitur: Annuncio dei præceptum, attribuitur filio. Proinde quo mollior esset sermonis contextus, in columni sententia prophetæ, mutauerūt personam patris in personam filij. Necq; raro tale quippiam sibi permittunt Septuaginta, uelut in huius psalmi uersiculo: Ne forte irascatur dominus, & perireatis de via iusta, duas uoces adiecerunt de suo, dominus, & iusta. Iuxta sensum humilioř hæc satis quadrant in Dauid, qui depulsis Iebusitis, regiam suam constituit in Sion, quæ est arx Hierosolymarū. Sed nobis iam ualeat insipidus ille, & aqueus sensus occidentis literæ: magis libet bibere de uino nouo regis nostri. Quid enim nobis rei est cum Dauid, qui temporariū, ac breui peritulum regnū tenuit in Palestina orbis angulo? Aut quid magni habebat secundum historicum monticulus ille Sion, qui olim ab idololatris incolebatur, ac tum etiam, quū esset regnū Dauid. Occidebat prophetas, atq; ipsum deniq; ppheterū dominū occiderunt: sed dum occidunt, illius illustrant gloriā, & in hoc incurruunt, quod maxime uitant. Hoc enim exprobrat eis rex noster in prophetia: Quid frustra molimini populi tumultuantes inanibus consilij? Quid frustra conamini reges terræ? Ego solus constitutus sum rex, nō ab hominibus, sed à deo, cuius uoluntati nemo potest resistere, ut teneam imperium, cuius nullus erit finis super Sion montem sanctum ipsius. Sion Hebræis speculam sonat. Hic nimirum est ille mons toties decantatus in mysticis literis, mons Euangelicæ doctrinæ, unde despiciamus quicquid hic mundus habet sublime, & unde uicini coelo spiritū cœlestē meremur accipere. In eo ferunt extructū fuisse templū Mosi, in eo regiam Dauid, in eo domum ecclesiæ typum, in qua concorditer congregati discipuli, pro terrenis facti sunt ignei. In hoc condita est ciuitas illa Euangelica, quæ non potest abscondi, & aduersus cuius fundamenta nihil ualent inferorum portæ. Est enim munita non excubij humanis, aut præsidij huius mundi, sed murum habet bonorum operum, antemurale fidei: regem habet Christū, & protectorem deum. Quemadmodū scripsit Esaias: Vrbs fortitudinis nostræ Sion, saluator ponetur in ea, murus, & antemurale. Vis autē audire cuiusmodi populus inhabitat hanc ciuitatem? Nouus est populus, pacis & ueritatis

tatis Euangelicæ cultor: Aperite, inquit, portas, & ingredietur gens iusta, custodiens ueritatem. Vetus error abiit. Seruabis pacem, quia in te sperabimus. Hanc & in alio psalmo demiratur spiritus propheticus: Gloriosa dicta sunt de te ciuitas dei. Et: Diligit dominus portas Sion super omnia tabernacula Iacob. Et rursum: Fundamenta eius in montibus sanctis. Rursus alibi: Qui confidunt in domino sicut mons Sion, non cōmouebitur in æternum, qui habitat in Hierusalem. Quin & alijs pleriq; mysticæ scripturæ locis mentio sit honorifica montis huius, & huius ciuitatis Hierusalem: quod quoties fit, nos aut ecclesiam catholicam intelligere debemus, aut ciuitatem cœlestem, cuius ecclesia ueluti pars est, ac rudimentū. Quisquis erectus ad amorem rerum cœlestium uelut è sublimi despicit, quicquid hic mundus ostentat ueluti magnificentum ac sublime, is habitat montem Sion, ac uere ciuis est ecclesia. Hierusalem Hebreis sonat uisionem pacis. Huius ciuitatis ciues, & si nondum assequi possunt pacem perfectam, tamen iam sublatis oculis in illam cœlestem patriam, procul uident pacem illam æternam, & ad eam ardentibus uotis suspirant, expectantes illud tempus, quando deus absterget omnem lachrymam ab oculis piorum, & iam non erit amplius neque luctus, neque clamor, sed nec ullus dolor. Moses procul à cacumine montis, salutabat terram promissionis. Isti subinde salutant matrē suā Hierusalē, dicentes: Quām dilecta tabernacula tua domine uirtutū. Concupiscit & deficit anima mea in atria domini. Sed ut uideas hanc patriam, in specula sis oportet. Non cernitur ab ihs, qui collunt humilia, uersantes in sordidis huius mundi curis, habentes oculos grauatos crapula mundanæ felicitatis, ac stultæ prudentiæ. Habet mundus suos montes, sed execrabiles domino. Est mons superbiæ, in quo primus posuerat sedem suam, qui dixit in corde suo: Similis ero altissimo. Sunt montes Gelboë, quos deuouet Dauid, imprecans eis, ut nec rore, nec pluuiia cœlesti reddantur fœcundi. Sunt montes quos tangit dominus, & fumigant. Et apud Hieremiam deus minatur monti pestifero, qui corrumpit uniuersam terram. Sed hic est mons, cui benedixit dominus, de quo cecinit Esaias: Erit in nouissimis præparatus mons domini in uertice montium, & eleuabitur super omnes colles, & fluent ad eum omnes gentes, & ibunt populi multi, & dicent: Venite ascendamus ad montem domini, & ad domum dei Iacob. Angusta erat ciuitas Hierosolyma, non capiebat nisi Iudæos, nec eos omnes.

At hæc domus domini tam est capax, ut uniuerſas totius orbis na-
tiones unà complectatur. Sunt uarij montes in circuitu, sed unus est
mons. Sunt uariæ domus, sed una domus domini. Multæ sunt ecclæ-
siæ, sed sicut unus est rex, ita una ecclæſia catholica, gremio ſuo comple-
ctæs uniuerſas. Totius ecclæſiae caput Christus eſt, qui eſt ſuper omnia
deus benedictus in ſecula. Regem habet inuiſibilem, quia mons eſt
inuiſibilis, non potest oſtendi dīgitis, hic eſt mons Sion: ſicut nec Chri-
ſtus oſtendi dīgito potest, hic eſt Christus. Vbi cunque fides eſt euā-
gelica, ibi mons eſt Sion. Sed opera p̄ecium eſt audire, quomodo fi-
lius regnet in monte ſancto patris. Præcipua regis autoritas in ædictis
eſt ac legibus. Nostri regis gladius eſt doctrina patris, prædicans, in-
quit præceptum eius: ſiue iuxta Hebraicam ueritatem: Annuciabo
dei præceptum. Terræ principes, leges iniquas, & impias ferunt non-
nunquam. Pharisaei docent tradiuſulas hominum, ſuo compendio
ſeruientes. Philosophi docent humanas inuentiuſulas, in quibus
ipſis magnopere diſſentiuunt inter ſeſe. Rex Sion nihil humile, nihil
uafrum, nihil falſum docet, ſed eſt ſublimi prædicat præceptum domi-
ni dei. Sunt præcepta Philofophorum, ſunt præcepta Moſi, ſunt præ-
cepta Pharisaorum, ſunt regum permulta, ſed unicum eſt præceptum
domini, quod peculiariiter annunciat rex noster Sion. Quod nam eſt
illud? Muſuæ charitatis. Hoc eſt præceptū, ut diligatis inuicem. Iamne
ſatisfactum eſt præcepto, ſi diligamus inuicem? Nondum, ſed adiici-
tur: Sicut dilexi uos. Ille pure, ille gratis, ille uſque ad mortem dilexit
nos. Quicquid docet lex ac prophetæ, charitas euangelica ſummatim
complectitur. Quisquis toto pectore diligit deum, is eidem & fidit,
& de promiſſis illius bene ſperat, & obſeruat ne quid committat, quod
illum offendat. Merito igitur Paulus ē tribus heroicis uitutibus pri-
mas tribuit charitati, quod hæc fidem etiam & ſpem complectatur.
Charitas omnia credit, omnia ſperat. Sed nihil, inquieris, audio de ope-
ribus. Non eſt ocioſa charitas: imò nihil agit perperam, ſed nunquam
ceſſat in officio. Hoc eſt igitur unicum illud, & peculiare præceptum
dei patris, quod filius ita ſuum appellat, ut tamen autoritas defera-
tur patri, cum quo habet omnia communia. Testatur hoc & in euā-
gelio: Doctrina mea non eſt mea, ſed eius qui miſit me, uidelicet pa-
tris. Poterat Christus orbem ſibi ſubigere uiribus & armis. Impetraſ-
ſet à patre multas legiones angelorum, niſi maluifet ſeruare quām ul-
cisci.

cisci: sed ita uisum est doctrinæ cœlesti, subiçere patri mundi celsitudi-
nes omnes. Notauit & hoc Esaias in loco, quem paulo ante retuli: Ve-
nire ascendamus ad montem domini, & ad domum dei Iacob, & doce-
bit nos uias suas, & ambulabimus in semitis eius: Quia de Sion exi-
bit lex, & uerbum domini de Hierusalem. Audis gladium pertingen-
tem usque ad compages medullarum, & usq; ad diuisionem spiritus.
Et hoc indicat sequens prophetæ sermo: Et iudicabit gentes, & arguet
populos multos. Quomodo iudicabit? Prorita ueritate. Quomodo
arguet? Reuicta falsitate. Luce euangelica proditæ sunt tenebræ mun-
di. Nunc audi quid sequatur ueritate cognita, pro contentione, quæ
superstitionis & arrogantiae comes esse solet, succedet studium pacis,
quæ peculiaris est nota Christianorum: Et conflabunt, inquit, gladios
suos in uomeres, & lanceas suas in falces. Non leuabit gens contra gen-
tem gladium, neque exercebuntur ultra ad prælium. Quam ob rem:
quia cognita maiestate noui regis, omne mundi supercilium sese sub-
mittet, sicut quod paulo post scribit idem propheta: Oculi sublimes
hominis humiliati sunt, & incuruabit altitudo uirorum. Exaltabitur
autem dominus solus in die illa. Et rursus aliquanto post: Et incurua-
bitur sublimitas hominum, & humiliabitur altitudo uirorum, & eleua-
bitur dominus solus in die illa, & idola penitus conterentur. Aequum
est ut euanscant idola, hoc est simulacra, uanæque rerum umbræ,
postea quam illuxit ueritas. Aequum est, ut consilescat omnis tumor
humanæ philosophiæ, postea quam cœlestem doctrinam annuncia-
re coepit ille, de quo solus testificatus est pater: Hic est filius meus di-
lectus, in quo mihi complacitum est, ipsum audite. Par est, ut cri-
stam ponat arrogantia mortalium, postea quam auscultare coepit
illi, qui dicit in euangelio: Discite à me, quia mitis sum, & humilis cor-
de, & inuenietis requiem animabus uestris. Sunt qui interpretentur
hoc ipsum esse præceptum patris, ut filius mundo declaret se uere
esse filium dei, ut per filium glorificetur pater. Quorum sententiam
equidem non reijcio. Vide autem ut oraculum Euangelicæ narra-
tioni concinit. Illic legis: Hic est filius meus dilectus. Hic: Dominus
dixit ad me, filius meus es tu, ego hodie genui te. Si tanta fuit au-
toritas Mosi, Heliæ, Helisei, Esaiæ, aliorumque ueterum prophe-
tarum, qui nihil aliud erant quam serui & præcones, quantam o-
portet esse autoritatem filij, præsertim eius, qui non uulgi more

Hodie ge-
nui te.

sit filius per adoptionem, quemadmodum alij complures, sed singula-
ri & incommunicabili ratione. Qui natura filius dei dicitur, solus est &
unicus. Quod autem dixit, hodie, non ad temporis statum refertur,
sed ad æternitatem, quæ nec initium nouit, nec fluxum, nec finem. No-
bis quæ fuerunt, iam esse desierunt: quemadmodum quæ futura sunt,
nondum sunt. Et hoc ipsum quod præsens est, semper est in fluxu. Na-
turæ diuinæ semper est hodie, semper est præsens, neque quicquam est
in fluxu. Ita dei filius semper hodie nascitur à patre, quemadmodum
semper est à patre. Et in hanc quidem sententiam interpretatur locum
hunc diuus Augustinus: quanquam non negans interim hoc intelligi
posse de nativitate, qua factus homo natus est ex uirgine, quo die sic
esse coepit quod non erat, ut non desineret esse quod semper fuerat.
Hilario diuersa placet sententia, quæ docet Christum mystica qua-
dam ratione sæpius à patre nasci, ut nihil interim accedat diuinæ na-
turæ, sed tantum humanæ: aut in hoc dicatur nasci, quod esse declara-
tur. Nobis enim quodammodo gignitur, quum hoc illum intelligi-
mus esse, quod prius ignorabamus. Et pater quodammodo gignit,
quum palam agnoscit filium. Porro quod hic in prophetia pater dicit
filio, bis in euangelio legimus. Semel, quum baptizatum in Iordanie,
primum indicio columbae, mox propria uoce cōmendauit eum omni-
bus dicens: Hic est filius meus dilectus. Marcus & Lucas sic referunt:
Tu es filius meus dilectus. Cæterum quod hic additur, ego hodie ge-
nui te, Euangelista habet, in te mihi complacui. Et uidetur euangelicus
sermo mire concinere prophetiæ. Nam mea quidem sententia in psal-
mo recinitur eadem sententia: Filius meus es tu. Hoc insigtit repeti-
tione, ego hodie genui te. Itidem pater: Tu es filius meus charissimus.
Hoc inculcat iterans: In te mihi complacui. Deinde quod additur in
euangelio, ipsum audite, respondet illi quod est in psalmo, prædi-
cans præceptum eius: Filius meus est, & charissimus atque unicus est,
non est quod aliud expectetis. Ex me est, & ex me loquetur, ipsum
igitur audite, & me audieritis. Eadem uoce glorificauit filium in mon-
te, cum se transfigurasset Iesus coram tribus discipulis. Cuius & Pe-
trus meminit in epistola posteriori: Speculatori facti illius magnitu-
dinis. Accipiens enim à deo patre, honorem & gloriam uoce delapsa
ad eum huiuscmodi à magnifica gloria: Hic est filius meus dilec-
tus, in quo mihi complacui, ipsum audite. Et hanc uocem nos audiui
mus

mus de cœlo allatam, quum essemus cum ipso in monte sancto. Rur-
 sus quum Iesus oraret patrem, ut nomen suum glorificaret per filium,
 uenit uox patris de cœlo dicens: Et clarificaui, & iterum clarificabo.
 Et hæc uox erat maiestatis plena. Nam qui audierant, partim dice-
 bant, tonitruū factum est: alij, angelus domini loquutus est ei. Quem
 admodum filius morte sua glorificauit patrem, ita pater uicissim resur-
 rectione glorificauit filium, non quod illi quicquam' accesserit nouæ glo-
 riæ, sed quod gloriam quam semper habuit apud patrem, habere cœ-
 pit & apud homines. Ad eum igitur diem quem fecit dominus, in quo
 resuscitauit filium suum ex mortuis, referuntur hæc prophetæ uerba:
 Ego hodie genui te. Non legitur hæc uox iterum auditæ: Tu es filius
 meus charissimus, sed ipsa re loquutus est hic pater. Glorificauit enim
 iterum, sicut promiserat filium suum, postea quām lapidem, quem
 reprobauerunt ædificantes, collocauit in capite anguli, uirtute dñina
 resuscitans eum, ut esset primogenitus ex mortuis. Subindicit enim
 apostolus Paulus, illum quodammodo renatum, quum appellat pri-
 mogenitum ex mortuis. Primogenitus erat omnis creaturæ, quum
 per illum conderet uniuersa, sed declaratus princeps & autor, resurre-
 ctionis factus est primogenitus ex mortuis, & rursus audit à patre:
 Ego hodie genui te. Genuit enim illum immortalitati, qui mortalis
 erat natus ex uirgine. Et ne cui uideatur hæc interpretatio coactior, ma-
 gisq; niti commentis hominum, quām scripturæ canonicae, Paulus in
 actis apostolicis, Iudæis prædicans Christum, hunc psalmi præsentis
 uersiculum ad resurrectionis diem accommodat: Cumq; inquit, con-
 sumasset omnia quæ de ipso scripta erant, deponentes eum de li-
 gno, posuerunt eum in monumento. Deus uero suscitauit eum à mor-
 tuis tertia die, qui uisus est per dies multos ijs, qui simul ascenderant
 cum eo de Galilæa in Hierusalem, qui usque nunc sunt testes eius ad
 plebem: Et nos uobis annunciamus eam, quæ ad patres nostros re-
 promissio data est. Quoniam hanc deus adimpleuit filijs uestris, resu-
 citans Iesum, sicut in psalmo primo scriptum est: Filius meus es tu,
 ego hodie genui te. Quod autem suscitauit eum à mortuis, non am-
 plus reuersurum in corruptionem, ita dixit: Dabo uobis sancta Da-
 uid fidelia. Quid est igitur, filius meus es tu? Declarauit mundo te esse
 filium meum. Quid est, hodie genui te? Hodie te consecraui immor-
 talitati. Hodie te feci primogenitum ex mortuis. Hodie tibi dedi o-
 mnem potestatem in cœlo & in terra. Hodie feci ut mundus intelligat
 te sedere mihi à dextris, participem monarchiæ totius mundi. Hodie
 te clarificaui

te clarificaui claritate quā semper apud me possedisti. Atq; ut omnes
 intelligant te esse uerum & unicum filium meū, hæredem te feci, & con-
 Postula à me & da
 me &c.
 sortem regni mei, principem regni Euangelici. Postula à me & da
 bo tibi gentes hæreditatem tuam, & possessionem tuam terminos ter-
 ræ. Tradit pater omne ius ecclesiastici regni filio. Superest ut ille per-
 gat Euangelicæ doctrinæ præsidio totius orbis nationes subigere di-
 tioni paternæ. Subigit autē non in hoc ut perdantur, sed ut salvi fiant.
 Subiguntur nō in tyrannicam seruitutem, sed in libertatem filiorū dei.
 Non ambit Christus regnum huius mundi, qui iuxta naturam etiam
 humanam factus est rex regum, & dominus dominantiū. Sed Euangeli-
 cum regnū ambijt à patre, ut totum mundum assereret à tyranne
 de peccati, & dicto audientem redderet patri cœlesti, qui non uult mor-
 tem peccatoris, sed ut conuertatur & uiuat. Si quæris, ubi filius popo-
 scerit hoc à patre? Audi ipsum patri loquentem in euangelio Ioannis:
 Pater uenit hora, clarifica filium tuum, ut filius tuus clarificet te. Sicut
 dedisti illi potestate omnis carnis, ut omni quod dedisti ei, det uitam
 æternam. Et ne quis putaret illum nihil à patre petere præter gentem
 Hebræorū, unde tum discipulos collegerat, adiecit: Non pro his rogo
 tantū, sed & pro eis, qui credituri sunt per uerbū illorū in me, ut omnes
 unū sint sicut tu pater in me, & ego in te, ut & ipsi in nobis unū sint, ut
 credat mūdus quia tu me misisti. Quos autē terminos præscripsit præ-
 dicationi suorū discipulorū? Ite, inquit, in orbē uniuersum, & prædicate
 euangeliū omni creaturæ. Quid exigent, aut quales leges præscribēt pa-
 cis? Quisquis crediderit & baptizatus fuerit, saluus erit. Sic uindicatur
 regnum Euangelicum, ut omnes unum sint in nobis, sicut tu in me, &
 ego in te. Prædictaui tuū præceptum, nec usq; deflexi à uoluntate tua.
 Qui in me credent, obtemperabunt doctrinæ meæ, ac per me meosq;
 prouocati, submittent se uoluntati tuæ. Itaq; tandem tradam tibi regnū
 trāquillū, & omnis expers rebellionis, quēadmodū in cœlis, nemo repu-
 gnat uoluntati tuæ. Cæterū quod dixit: Dabo tibi gentes hæreditatē
 tuā, Augustinus in eo quod sequitur, & possessionē tuā terminos ter-
 ræ, putat eandē sententiā repetitā, licet euidentius expressam. Sed Hila-
 rijs dissentit, argutās pluribus uerbis, aliud esse qd' terminat, aliud qd'
 terminat. Extremas aut̄ terræ partes ambihi diuersis elemētis, qui terrā
 terminēt superne aëre, inferne p̄fundissimis aquis, quas appellat aby-
 sos, & his esse suos incolas, nō mortuos, sed uiuos. Atq; huc deflectit il-
 lud Pauli: Ut in nomine Iesu omne genu flectat̄, cœlestiū, terrestrū, &
 infernorū, & omnis lingua cōfiteatur, quia dominus Iesus in gloria est
 dei

dei patris, præsertim quum simili forma scripsiterit autor apocalypsis, quod nullus neque in cœlo, neq; super terram, neque infra terram re- pertus sit, qui dignus esset aperire librum obsignatum. In hanc fermè sententiam Hilarius. Mihi magis arridet, ut intelligamus iuxta senten- tiam Augustini, regnū Euangelicum porrigi quaquà uersum, usq; ad extremas orbis nationes. Iuxta illud: In omnem teram exiuit sonus eo- rum, & in fines orbis terræ uerba eorum. Suspicor tamē Hilarium hoc luxisse ex cōmentarijs Origenis, qui nō nihil attingit alicubi, de liberan- dis īs, qui damnati sunt apud inferos, deq; dæmonijs redimendis. Cæ- terū præterq; quod coactum est, terminos interpretari, quod foris am- bit rem, quanq; ita loquimur nōnunq;: ut quū dicimus terræ terminū esse Oceanū, aut aëris terminū esse globum lunæ, nec uerum est super- ne terrā tegi aëre inferne abyssō, quū undiq; terræ inhærent aquæ, & undiq; terrā ambiat aér. Et si danda sit certa sedes inferis, probabilius sit eos in intimis terræ uersari, qd' centrū uocant, q; in abyssis aquarū. Porrò regiū nomē, quod apud homines amplissimæ potestatis habet significationē, & terminos terræ, qbus ditionē latissime porrectā signi- ficat, ut latius porrigi nō possit, opponit imbecillitatē corporis humani, quæ scandalō fuit Iudæis, & angustiæ gentis Iudaicæ, ultra cuius fines illi nolebant regnū Euangelicum proferri. Vtruncq; nomen congruit in Christū, & regis, & sacerdotis. Siquidē Melchisedech, qui typum gessit Christi, rex iusticiæ interpretatur, & rex Salem, hoc est, rex pacis fuisse describitur. Negat quidem Christus regnū suum esse de hoc mundo, non quod non esset dominus omniū, sed quod tum pro tempore stu- duerit exhibere suis discipulis imaginem Euangelici principatus. Satel- litium inerme secū circūferebat, adeo nullas habebat arces, ut ne diuer- sorium quidē haberet propriū, ubi caput suū reclinaret, beneficij subi- gebat populum, gladio sermonis Euangelici iugulabat impias cupidi- tates, ut imperfecto homine improbo, renasceretur homo nouus, ac deo dignus. Vicit tolerantia, uicit moriendo. Cæterū post resurrectionem regalia loquitur: Data est mihi omnis potestas in cœlo & in terra. Nec tamen in Euangeliō regis nomen abnuit, tametsi apud Pilatum regni genus distinxit. Nam interrogatus an rex esset, respondit: Tu dixisti, fugitans responsionis arrogantiam, nō inficians tamen ueritatē. Quin & ipse in cruce pendens, regia tū audit, tū loquitur. Ait latro: Memeto mei dū ueneris in regnū tuū. Cui respōdet Iesus: Amē dico tibi, hodie meū eris in paradiſo. Talis describitur & uatū ænigmatis: Ecce, inquit Zacharias, rex tuus ueniet tibi iustus, & saluator. Sed ne tyrannicum ac superbū

ac superbum regnū imagineris, adiecit: Iustus & saluator, ipse pauper & ascendens super asinam, & super pullum filium asinæ. Mox ostendit mansuetudine, non uiolentia regnū Euangelicum latissime propagandum: Loquetur, inquit, pacem gentibus, & potestas eius à mari usq; ad mare, & à fluminibus usq; ad fines terræ. Itidem Esaias: Parvulus natus est nobis, & filius datus est nobis, & factus est principatus super humerum eius, & uocabitur nomē eius admirabilis, consiliarius, deus fortis, pater futuri seculi, princeps pacis. Habet regnū, & regni genus, longe diuersum à regno mundano. Nunc audi ditionis amplitudinē: Multiplicabitur eius imperiū, & pacis non erit finis. Terræ principes sanguine propagant imperium suū: & dum uicissim alius alium protrudit ac repellit, bellorū nullus est finis. Nunc accipe magis regalia: Super soliū Dauid, & super regnū eius sedebit, ut confirmet illud, & corroboret in iudicio & iusticia. Vbi iudiciū audis & iusticiam, excluditur tyrannis. Nunc audi regnū æternū: A modo & usq; in sempiternū. Ille sacerdos erat in æternū sequundū ordinē Melchisedech, semel immolata victimā, post quā nō esset opus alia. Rex item est in æternū, quia immortalis est, ut successorem nō admittat: Sedet in throno deus in seculum seculi, moderans uniuersa nutu suo. Sed nōdum undiq; pacatū est illius regnū in terris. Tolerat & trahit adhuc ecclesiæ sagena permixtos bonos ac malos pisces: tolerat zizaniā admixtam tritico. Et Paulus clamat multos esse antichristos. Tolerat mēbra imbecillia, Adhuc in nobis cupiditates carnis rebellionem mouēt aduersus spiritū. Verū ubi subiecerit sibi omnia, & tradiderit regnū deo & patri, tunc perfecta pax habebit omnia. Atq; hactenus prophetiæ sermo satis quadrat in Christū nostrū, qui quū esset summus ac dominus omniū, tamen demisit sese, quo suis apostolis, & apostolorū successoribus ostenderet mansuetudinis ac lenitatis uiam: Quod oporteat ecclesiastici regni proceres ab omni specie mundanæ tyrannidis procul abesse. Verum in his quæ sequuntur, quoniā sæuitiam & austерitatē quandā sonare uidentur, magnopere sese torquent interpres, quomodo competant in Christum illum nostrū, pacis, mansuetudinis, & humilitatis magistrum, simul & exemplar. Postq; enim illi tradiderat gentes, hæreditatē, & possessionē terminos terræ, subiicit: Reges eos in uirga ferrea. Tanq; uas figuli confringes eos. Multis hoc ipsum uerbum, reges, prima specie uidetur durius ac uiolentius. Nam à regis nomine olim liberarū ciuitatum aures abhorrebant. Sed formidabilius etiā sonat quod sequitur, in uirga ferrea. Virga minax uocabulum est, quod exasperat etiā additum ferrea.

Iam

Iam his quoq; uidetur immittius, quod sequitur: Tanq; uas figuli confringes eos. Quid enim crudelius, q; in hoc accipere postulatam gentium possessionem, ut eas funditus, & irrecuperabiliter perdas? Nam si etile uas semel contritū restitui nō potest. Hæc species crudelitatis, quoniam multū abhorret à mansuetissimis moribus, & mitissima doctrina Christi, breuiter ab eius regno, qui dicit: Tollite iugum meū super uos, & inuenietis requiem animabus uestris: iugum enim meū suave est, & onus meū leue, Varijs rationibus ueteres conati sunt sese ex hac difficultate extricare. Quod si locum hunc iuxta sensum historicū accipias, recte uerbis asperis significatur impietas Iudaicæ gentis, qua pertinacissime rebellarūt Christo, miserabilē excidio punita. Quia non cognouerūt tempus blandæ uisitationis, irruit tandem in eos seuera uindicta dei, qua gentem rebellem non solū flagellavit acerbissime, uerū propemodū usq; ad internicionem deleuit. Alij referūt ad extremi iudicij diem, cuius terrore nunc interim reuocat illos à pertinacia peccandi. Quod si persistenter tumultuari, & conspirare aduersus dominum, qui nunc blande inuitat ad resipiscientiam, futurū est, ut æternæ uindictæ uirgā ferream sentiant, & æterno cōterantur exitio. Hunc utrumq; sensum attingit Hieronymus, & tertiu insuper duobus indicās uerbis, quem solū sequitur Aug. Nec abhorret Hilarius, qui multis modis mitigare nititur sermonis acerbitatem. Primū quod regere non sit tyranicum, sed recta ratione, & ad legum regulā moderantis, quod & aliās tribuitur Christo. Exiet dux, qui regat populum meum Israēl. Sed mihius etiā sonat Græca uox, qua sunt usi septuaginta interpretes. Est em̄ ποιμανᾶς, hoc est pascere, siue pastorum more reges. Idem pollere dicunt uocem Hebraicam sermonis eius non imperiti. Christus enim pastor est bonus, qui tāto affectu curat pascitq; gregē suum, ut animā etiam suam impenderit nobis ouibus pascuæ suæ. Iam uirga non semper instrumentū est supplicij, sed insigne regni, quod regis sit officium populi mores ad legū disciplinam dirigere, ne deflectat ab honesto, sicut alibi legis in psalmo: Virga æquitatis uirga regni tui. Hoc igitur hic uirgam dicit, quod Græci dicūt sceptrum. Porrò quod addidit ferrea, nō sonat tyrannicū imperium, & austерum, sed solidā, perpetuam, incorruptam, & nulli cessuram autoritatem. Qui ad regulam humanarum legum uitam instituunt, sæpen numero deflectunt à recto. Cæterum quisquis temperat uitam suam ad regulam Euangelicæ doctrinæ, nunq; aberrabit à pietate. Hæc uirga leuis est obedientibus, rigida contumacibus: ferream sentiet, qui impegerit, nō qui obsequitur. Quemadmo-

dum Christus est solidus ille lapis,tutum refugiū ījs,qui institerint, cæterum conteritur,quisquis in illū impegerit, aut in quem ille deciderit. Non mirū igitur, si Christus solus rex omnium habet uirgā, quū Paulus huius seruus ac dispensator uirgam habeat,qua cōminatur Corinthijs,ni resipiscant: Quid uultis,inquit,in uirga uenīā ad uos an in charitate & spiritu māsuetudinis? Quid est,quod cōminatur Apostolus? Num se satellitio cinctum uenturū in ecclesiam cū uirga prætoria? Ne quaç, sed ut pater amantissimus lenitate conabatur suos filios emendare. Cæterum erga contumaces minatur sese exerturum autoritatem apostolicam,hoc est, acriorem ac publicam obiurbationem , aut si res ita postulet, excommunicationē. Virgam expediuit,quū satanæ tradere ret eum, qui patris uxorem habuerat pro sua, & hanc minatur Corinthijs,quum ait: An experimentum quæritis habitantis in me Christi? Uſus est hac uirga Paulus in actis apostolicis aduersus Elimam magum, qui resistebat Euāgelico sermoni,quū ait: O plene omni dolo, & omni fallacia, fili diaboli,inimice omnis iusticiæ , nō desinis subuertere uias domini rectas. Et nunc ecce manus domini super te, & eris cæcus, nō uidens sole usq; ad tempus. Prompsit & Petrus uirgam suā,quum dicit Ananiæ: Anania,quur tentauit satanas cor tuū,mentiri te spiritiū sancto, & fraudare de precio agric. Ad quam uocem Ananias cecidit & expirauit. Atq; idem accidit uxori,consciæ fraudis huius: quanç huius supplicij Petrus alioqui mitissimus denunciator erat,nō autor. Habet igitur & apostolorū successores uirgam,non qua ulciscantur priuatas iniurias, sed qua corrigūt & obiurgāt rebelles, & obſistentes Euāgelico profectui. Sed hanc raro proferunt, nec aliās, q̄z quum tentatis omnibus cogit necessitas ad extrema remedia descēdere. Quatuor aut quinq; Paulus tradidit satanæ: unū qui rem habuerat cum uxore patris, magno cum probro totius ecclesiæ, quod eam palam haberet domi uxoris loco, hunc ad tempus tradidit satanæ, hoc est, uitari iussit, ut pudore correctus resipiseret. Sed mox uirgæ seueritatē temperat spiritu lenitatis,cōmendans eundem,ut correctū reciperent in uisceribus charitatis,& consolarentur eū,ne grauiore mœrore pudefactus absorberetur. Tradidit Hermogenem & Phygel'um, sed pertinaciter aduersatos Euangelio, ut discerent non blasphemare. Atq; hi uere dicere poterant: An experimentū quæritis habitantis in me Christi? Sanabant ægrotos,excitabant mortuos,nihil non tolerabāt pro Euangelio Christi,tot hominū milia lenitate sua pertraxerant ad Euangelicā professiōnem, & tamen uirgam nō habent,nisi correptionis, & si pertinacia peccantis

cantis cogerit experiri extrema excommunicationis, quæ nihil aliud, q̄uitari iubebat inemendabilem, ut si pudore non corrigeretur, certe ne plures inficeret suo contagio. Quām non referunt horum exemplum quidam, qui non uirgam tantum apostolicam, sed carceres habent, cāthenas habent, confiscações bonorum, habent & brachium seculare, deniq̄ bombardas habent, & armatum satellitium, imo & uenena habent, alijsque mille terroribus armati sunt, quibus priuatam iniuriam ulciscantur uerius, quām Euangelij. Nec interim docent quenquā, nec blande monent, nec omnino quēquam ad Christum pertrahunt, quum tam multos perdant seuicia malisq̄ moribus suis. Orandus est igitur Christus pastorum princeps, ut hos quoque regat in uirga ferrea, ut autoritatem suam, ad exemplum apostolorū potius quām tyrranorum temperent. Sequitur: Tanquā uas figuli conteres eos. Nihil uilius luteo uasculo, nihil fragilius. Et tamen qui p̄ij sunt, domini thesaurum possident in uasis fictilibus, & hæc licet lutea domus, si caste uiuimus, templum est sp̄ritus sancti. Sed nihil intolerabilius, si luteum uasculum erigat sese contra deum figulum. Nec enim tam lutum est in potestate figuli, singentis, resingentis, & comminuentis arbitratu suo, quām homo est in manu dei. Acluteum uas, dum uuida est argilla, si frangi contigerit, est reparabile. At si posteaquam semel sole aut igni obduruit, cōteratur, perijt irreparabiliter. Quām diu sumus in hac uita, argilla sumus humida, frangimur, sed resingi possumus, si dignetur figulus admouere manum. Aegre tamē restituūtur, qui longa peccandi consuetudine obduruerunt, & tamen nulli desperandum. Quod apud homines est impossibile, possibile est apud deū. Si semel conīciat in gehennam, nulla reperandi spes, sin hic conterat uas inutile per poenitentiam, si hic deicerit, per humilitatem animi, tunc fiet illud, quod legimus in alio psalmo: Cor contritum & humiliatum deus non despicies, quod si uasi cōtrito ac dissipato accesserit humor lachrymarum, remollescat lutum nostrum, & deus pro sua clementia dignabitur resingere poenitentem, ac pro uase putri, restituere uas honorificum, & aptum in usus domini. Felices qui conteruntur ab hoc figulo, felices qui occiduntur ab hoc rege, felices qui percutiuntur huius gladio, felices qui castigantur huius uirga. Occidit in nobis ueterem hominē, ut uiuat nouus: percutit gladio sp̄ritus, qui est sermo dei, ut omnes impias cupiditates amputet ab animo consecrato spiritui cœlesti. Percutit uirga ac prosternit, ut erigat. Sic percussus est Saulus. Concidit persecutor ecclesiæ, & surrexit præco salutis æternæ. Conteritur in nobis

quicquid del peccatore limo primi parentis contractum aut inolitum
 est. Conterit ueteris hominis lutulenta negotia, conterit terrenas cupi-
 ditates, ut posthac excoeti charitatis igni, ducamur, agamur cō spiritu
 dei. Atq; hactenus quidem magnitudine potestatis & supplicij im-
 minentis acerbitate terruit illos, qui consilijs imp̄ijs conspirāt, ac tumul-
 tuantur aduersus dominum & Christum eius. Nunc clemens rex uiā
 indicat, qua possint effugere pœnam, & consequi felicitatem: Et nunc,
 inquit, reges intelligite, erudimini qui iudicatis terram. Quod hacte-
 nus tumultuatum est aduersus dominum & Christū eius, tametsi cri-
 men atrox est, tamē habet aliquē excusationis prætextum. Moses erat
 obscurus, nec omnibus prædicatus: philosophi euanuerunt in cogita-
 tionibus suis: principes terræ, terrena sapiebant: inuoluerat deus om-
 nia peccatis & erroribus, ut omniū misereretur. Sed nunc prodita per
 Christum & huius apostolos Euangelica ueritate, nolite rebellare spi-
 ritui sancto, posthac error erit inexcusabilis. Credite & intelligite, Nisi
 enim credideritis, nō intelligetis. Sola fides præstabit salutem, & semel
 abolebit, quicquid hactenus peccatum est. Primū occurret dubitatio,
 qui sint isti reges, quos alloquitur rex Sion, siue deus pater. Si spectes
 sententiam historiæ propiorem, reges illos ac principes alloquitur, qui
 paulo ante per ignorantiam excæcati fremebant, & cōiurabant aduer-
 sus dominū & Christū eius, qui uarijs suppliciorū generibus excarni-
 ficabant prædicatores Euangelicæ pacis. Hos reuocat ad sanam men-
 tem, ut tandem ex prædicatione Euangeli cognoscant & intelligent
 Christum solum esse datum à deo patre, in cuius nomine salutem as-
 sequi possint uniuersæ nationes, cuiq; oporteat flecti omne genu. Ha-
 c etenus erant tempora caliginis, at nunc prodita ueritatis Euangelicæ
 luce, intelligite, & à simulacrorū cultu, ad ueræ pietatis studiū uosmet
 ipsos conuertite. Adorandus est, quem uos persequimini: salutem of-
 fert, cuius doctrinam abolere conamini: deus est, quem ut hominē in-
 cessitis. Rursus iuxta tropologiam dubitari potest, utrum ad propheta-
 nos principes pertineat, an ad apostolorum successores, hoc est, epi-
 scopos. Ad utrosq; pertinere subnotat diuus Hieronymus. Angusti-
 nus magis accommodat ad ecclesiasticos, sed ita tamen, ut quod dicit,
 possit ad utrūq; genus hominum accōmodari. Nos itaq; de utrisq; in-
 terpretabimur, si prius illum scrupulū discusserimus, quū ante freme-
 rent gentes, & populi meditati sint inania, Astiterint reges terræ, &
 principes conuenerint in unū, nunc gentium ac populorum nulla fit
 mētio. Evidem opinor, ideo regū tantum ac iudicū fieri mentionē.
 quod

*Ex nunc reges
intelligite.*

quod illis emēdatis facile populus sequatur, quæ sunt optima, & tamē cæterorum quoque meminit generali clausula, quum subiungit: Beati omnes qui cōfidunt in eo. Regū igitur est intelligere. Solet enim ferē magnæ fortunæ comes esse stulticia: Et tamen operæpreciū est, ut mul tum sapiant, qui tot hominum milibus sapiunt, ut plurimū animo cer nant, qui tot urbibus prospiciūt. Et magno orbis periculo desipiūt mo narchæ, quemadmodum magno orbis bono cordati sunt. Neq; uero satis est nasci, ut principem præstes. Magno studio discenda est ars gu bernandi populum, necq; segnius interim postulanda à domino. Pro inde deus offensus uitij hominum, ceu grauem quandam pestem mi nitatur principem stultum. Sic enim loquitur per Esaiam: Et dabo pu eros principes eorū, & effeminati dominabūtur eis. Et corruet popu lus, uir ad uirum, & unusquisq; ad proximū suum. Rursum apud eun dem. Iam propitius factus, ut ingens quoddam bonum promittit: Ec ce in iusticia regnabit rex, & principes in iudicio præerūt. Ac mox: Nō uocabitur ultra is, qui insipiens est princeps, necq; fraudulentus appella bitur maior. Intellexit hoc cordatissimus ille puer Salomon, qui quū patri Dauid successisset in regnū. Iussus à domino petere quicquid uel let, nec opes petijt, nec gloriam, nec mortem inimicorū, sed cor docile, ut tantam multitudinem sapienter posset moderari. Et tamen Iudææ regnum, quod tenebat Salomon angustum erat præ his regnis, quæ nunc obtaintentur à nonnullis monarchis. Nec aliud orat in libro, cui titulus Sapientia: Da mihi, inquit, domine sediū tuarum assistricem sa pientiam. Mitte illam de cœlis sanctis tuis, & à sede magnitudinis tuæ ut mecum sit, & mecum laboret, ut sciat quid acceptum sit apud te. Prior huius uersiculi pars pertinet ad iudicium, hoc est, ad eam prudentiæ partem, qua dijudicamus quid sit optimum factu, altera pars ad seda tos affectus. Reges intelligite, ut dispiciatis quid expediat reipub. eru dimini iudices, nam Græcis est παιδεύθητε, quod frequenter nō ad eruditio nem, sed ad castigationē morum pertinet. Ductum est enim Græ cis à pueris quos seueritate disciplinæ coercemus. Qui stultus est & iudicio carens, pessima pro optimis eligit. Itidē qui perturbatur, ira, odio, amore, ambitione, libidine, superbia, liuore, quoniam mentis oculum habet perturbatum, nō potest despicer quid expediat. His igitur per turbationibus uacare est philosophū esse. Nam hoc sensit Plato, qui pronunciauit reip. felicitatē in hoc esse sitam, si qui reges essent, idem essent philosophi. Nam quomodo recte imperabit alij, qui ipse seruit cæcis affectibus? Quomodo recte consulet populo, qui stultas cupidi tates habet in consilio? Aug. putat in hoc quoq; uersu repetitam sen

tentiam uerbis licet diuersis, ut quos prius dixerat reges, mox appelle iudices, & quos prius iusserat intelligere, nūc iubeat eruditī. Atque uti nam hoc toties infixisset psalmographus, ut aliquādo inhæreret mentibus nostri temporis principum, qui perpetuis tumultibus subinde miscent res mortalium. Quod si quemadmodum Phaēton magno orbis exitio tractauit currū solis, ita stultis & indomitī affectibus monarcha, summā calamitatem inuehit rebus mortalium. Quanto magis oportet eos qui dispensatores sunt mysteriorum dei, abundare intellectu legis diuinæ, & animū habere purgatum ab omnibus malis cupiditatibus. Quomodo possunt dici reges terræ, si terrenis cupiditatibus seruiunt? Infra nos sit oportet, cuius reges dici merebimur. Ergo spirituales, qui quæ sursum sunt sapiunt, quæ sursum sunt quærūt, quorum animus & conuersatio est in cœlis, qui terrena calcant amore cœlestium, merito iudices terræ dicuntur. Ita Paulus scribens Corin thīs: An nescitis, quoniam sancti de hoc mundo iudicabunt. Et si in uobis iudicatur mundus, indigni estis qui de minimis iudicetis? Habes quomodo, quos Christus selegit ē mundo, iudices fiant mundi, quoniam ipsa uita docent esse spernendum, quicquid magnifica specie blanditur in hoc mundo. Ac ne uertant in superbiam, quod appellavit eos reges & iudices terræ, subiecit: Seruite domino in timore, & exultate cum tremore. Præstat hoc ingens autoritas regibus, ut neminem metuant, sed metuantur ab omnibus, & hinc sæpen numero putant sibi licere, quod libet. Id ne fiat, ostēdit quem debeant & ipsi timere. Sunt reges populi, sed communem habent regem in cœlis. Non uocantur in ius ab hominibus, sed tamen sistendi sunt cum alijs ad tribunal æterni iudicis, Dominantur plebi, sed communem habent dominum in excelsis, cuius autoritatem ac uindictam nunquam effugient. Reges ergo nolite freti potestate ueltra, spernere cœlestem dominum, sed seruite ei in timore. In sacris literis, seruire plerūque colere est. Coluistis idola, coluistis mundum, nunc colite dominum. Colitur autem obseruandis illius præceptis, & hoc in timore, ut circumspecti semper caueant, ne qua in re offendant dominum omnium. Sunt principes, qui colunt dominū audiendis sacris, aut dicendis statis precibus, quas dicunt horarias: nō dico quod hac in parte laudādi non sint, sed si interim expilant pauperes ini quis exactionibus, si ob pecuniam comittunt magistratus improbis & indignis: si quæ debentur usibus egentium, conuerrunt in fiscum suum: si opprimunt insontes, & fauent uolentis: si obliti iuris iurandi, sua tyrannide premunt libertatem reipublicæ.

blicæ. Si ob ambitionem, iram, aut alias cupiditates suas bellorum tu-
multibus inuoluunt mundum, non seruiunt domino in timore. Ete-
nim si uerè illum timerent, si sibi persuasum haberent, se de singulis
horum rationem reddituros apud tribunal æterni, & ineuitabilis iudi-
cis, si hoc grauiores datus pœnas, quo maiorem potestatem gesse-
rint in terris, si cum impijs audituros & illam uocem: Ite maledicti in
ignem æternum, non tanta securitate facerent, quod animo collibitum
est. Iam ne quod dictum est: Seruite domino in timore, uideretur ad
miseriam pertinere, subditum est: Et exultate. Non est infelix serui-
tus seruire domino, nec ea res de honestat dignitatem uestram, sed
ornat. Olim seruebatis ligno & lapidi, metuebatis Iouem & Ne-
ptunum, aut homines uita defunctos, aut noxios dæmones, nunc
seruitis regi seculorum deo, & eum metuitis offendere, qui offensus
solus potest, & animam & corpus in gehennam mittere. De tali ser-
uitute, de tali domino exultate, ad cuius præceptum si moderati fu-
eritis potestatem uestram, ille pro fideliter administrato regno terre-
no, referet uobis immortalitatem in regno coelesti. Sed rursum ne
hoc ipsum uergeret in effusionem temeritatis, oportune adiecit: Cum
tremore. Ingens est præmium, sed difficilis est regia functio, quod
multa sint quæ illos ad licentiam impellant. Ipsa magnitudo potesta-
tis. Nam ferè fit, ut cui licet quod uult, plus uelit quam licet. Ad hæc fa-
miliarum assentatio, cui pesti potissimum obnoxia est magnatū con-
ditio. Postremo in tam uarijs negotiorū agminibus uel ignorātia, uel
oscitantia. Plurimum itaq; metuat dominū oportet, qui neminē timet
hominum, & ubiq; cauti circumspecti q; uigilent, qui non dormitant,
nisi magno reip. malo. Proinde repetit & inculcat, quod iam semel at-
que iterum dixit: Apprehendite disciplinam. Quo quidem loco Græ-
cis est non καταλαμβάνετε, sed θράξαδε, quod est proprie ueluti cursu fu-
gientem assequi. Hoc celeriter, hoc rebus omnibus omissis agendum,
ut accipient disciplinam, nisi malunt deponere regnū. Imò hoc diu me-
ditandū ijs, qui regno destinati sunt. Nō uacat illis bonam ætatis par-
tem perdere alea, poculis, scortis, uenationibus, peregrinationibus, pō-
pis, alijs q; nugis. Quicquid temporis datur, hoc totum breue est regi
bus ac magnatibus apprehendendæ disciplinæ. Sera aut & nimio con-
stans est sapientia principum, quæ rerū usu colligitur. Male agetur cū
genere mortalium, si principes gerendis diu bellis, tandem senes intel-
ligent bellū esse rem om̄ibus modis pestiferam etiā uictori. Si tum de
niq; discent, non esse quibuslibet credendos magistratus, ubi uiderint

rempublicam labefactatam illorum culpa, si tādem discent facere edita, ubi senserint edicta temere prodita, cessisse in perniciem reip. Si crebro decepti discent non esse fidendum adulatoribus. Atq̄ item de ceteris regum aut præsulum officijs. Vnde igitur mature licebit apprehendere disciplinam: Celerius è libris hauriuntur decreta disciplinæ regiæ, quām experimentis: citius è spectatis & integris consiliarijs discitur, quām periclitandis rebus. Diuus Thomas episcopus Cantuariensis, quum esset ad eum honorem autoritate regis admotus, ipse uero hactenus magis in aulicis negocijis, quām in sacris literis fuisse detritus, intelligens quantum oneris suscepisset in humeros, tanta celeritate properauit apprehendere disciplinam, ut quum in ea gente solene sit, ut Archiepiscopus ille totius regni primas, proceres aulicos accipiat conuiuio, magnatibus suas mensas affatim instrueret ijs rebus, quibus animo obsequerentur suo, ne parcus aut sordidus uideretur. Cæterum ipse ad suam mēsam neminem admisit præter eruditos aliquot. Toto conuiuio lector sonabat ad aurem, aut si quid incidisset, de sensu scripturæ disputabatur. Adeo nullum tempus patiebatur sibi interdicere, quod non daretur apprehendendæ disciplinæ. Utinam hos uersiculos episcopi nostrorum temporum omnes frequenter psallant: psallant autem non solum spiritu, uerum etiam mente. Id sanè referret populi, cuius curam gerūt, sed peculiariter etiam ipsorum. Quid enim sequitur: Ne forte irascatur dominus, & pereatis de uia iusta. Periclitatur plebeius, qui inciderit in iram regis, sed grauius periclitatur rex, qui inciderit in iram domini. Rursus iram iustum ultionem appellat. Incidit autem quisquis aberrat ab illius disciplina: Est uia domini recta, & sunt uiae peruersorum à sinistris, quas ignorat dominus. Apud nos non semper perit, quisquis deflexit à recta uia, sæpe nihil aliud quām dispendium facit, nonnunquam error saluti fuit. Cæterum quicunq; deflexit à uia domini recta, perijt, etiā si non perijt. Qui manet in Christo, non aberrabit, ipse est enim uia, quæ ducit ad uitam, in hoc manet, quisquis ad illius doctrinam & exemplum instituit uitam. Diuus Hietonymus in cōmentarijs admonet apud Hebræos sermonem esse acripité, quū quod septuaginta uerterūt δάξαθε παιδίας, dicat uerti potuisse adorate, uel osculamini filium: siue, ut ipse uertit iuxta ueritatē Hebraicā, adorate pure, quoniā ueteres osculo adorabant. Septuaginta locis aliquot pro adorate uerterūt καταφιλήσατε. Bar aūt præsertim apud Syros filiū sonat, apd' Hebræos pure, & ut nōnulli sentiūt triticū. Verū in his barbari sermonis Labyrinthis nō est animus magnope distorqueri. Iudæi qui promissum filiū tot seculis expectarūt, maluerūt occidere

dere quām adorare , & ideo uolentes suam constituere iusticiam , per opera legalia, perierunt à uia iusta, quæ est Christus Iesus . Et adorabant quidem deum , sed non pure immolabant, uiictimas: lauabāt corpus & calices, sed animus intus scatebat omni spurcie malarū cupiditatum, iræ, liuoris, auariciae, superbiae. Hinc est quod apud Esaiam magno stomacho auersatur illorū dies festos , uiictimas & sabbata. Vult enim adorari pure, hoc est, puritate spiritus. Spiritus purissimus est, & puro spiritu uult coli, potius quām uiictimis. Non enim pure adorant filium, qui suis operibus ascribunt salutem, quum per Euangelium fidem & gratiam salus æterna detur omnibus. Deniq; nō adorat pure, qui patrem honorat, cuius filium afficit contumelia. Qui filium nō habet, nec patrē habet. At ne lentitudo uindictæ diuinæ pariat illis securitatem, addit: Quum exarserit in breui ira eius. Dum differt ultionē, cū exarserit quodammodo dissimulat iram suam dominus, lenitate sua nos inui, in breui. tans ad pœnitentiam , patienter expectans, si fortè resipiscat peccator, & uiuat. Sed illud nobis incertū an subito exardescet illius ira . Quod enim dixit in breui, septuaginta uerterunt επ τάχε, repētinum quiddā atque inexpectatum significat . Nam siue intelligas de die illo supremo, ueniet & ille ueluti nocturnus fur, & obrepet inexpectatus: siue de die mortis cuiusque, frequenter & ille opprimit inopinantes atque interoscitantes. Nemo tam iuuenis est aut ualidus, nemo tam potens, ut possit sibi crastinum polliceri. Summos etiam orbis monarchas mors inopinata tollit ē mēdio . Sic pridem in medio rerum successu perīit Philippus Maximiliani Cæsaris filius. Sic Leonem decimum , quum omnia Romæ perstreperent triūphis & gratulationibus, subito mors exempt rebus humanis, quò transtulerit incertum: & in terris quidem à nemine poterat reprehendi, sed ipse nouit quām bonam causam habuerit apud tribunal Christi. Iugiter itaq; uigilādum, nequando excidamus à uia iusta. Semper habeamus bonam cōscientiam apud deū, ut quādocunq; uenerit dies mortis, possimus de illius bonitate cōfide re. Tunc em̄ infelices erunt, qui hic fidūt opibus suis, potētiæ suæ, fortunæ, diuitijs, benefactis suis. Sed beati omnes, qui cōfidunt in domino. Cæterū in morte, qui poterūt confidere in domino, qui tota uita cōfisi sunt mūdo: Hæc fiducia tametsi potissimū nascitur ex agnita clemētia dei, tamē non cohæret cū animo peruerso, sibiq; male conscio. Maledictus est, qui confidit in homine. Stultus est, qui confidit in diuitijs. Sic em̄ audit diues ille in Euāgelio: Stulte, hac nocte repetūt abs te animā tuā, & hæc quæ parasti cuius erunt: Iudaicum est fidere suis operibus.

Tametsi

Tametsi duplia sunt opera, Iudaismi & charitatis. Illis periculo se fidi-
tur, nisi haec accesserint. Rursus & horum inanis est fiducia, nisi diffisi-
meritis nostris, sacram, quod aiunt, ancoram iecerimus in immēta bo-
nitate dei. Notauit emphasis sermonis diuus Augustinus. Quū em̄
terrorem incussisset malis dicens: Cum exarserit in breui ira eius, non
adiecit, securos fore bonos, sed beatos. Non enim hi solum liberabun-
tur à periculo, uerum etiā æternam beatitudinem consequentur, si desi-
erint rebellare Christo domini, si cōturbati metu æterni supplicij agno-
uerint hunc esse regem cœli & terræ & inferorū, caput & pastorem to-
tius ecclesiæ, extra quam nulla est speranda salus, ad huius præceptū
esse uiuendum, hunc esse dei filium deum & hominem, cuius potesta-
ti nemo possit resistere, cuius uindictam nemo quālibet potens possit
effugere, si contempserit illius præcepta. Si coluerint hunc reuerenter
& circunspecte, si in hoc glorientur, sed interim cum tremore, Si totis
studijis huius doctrinam arripuerint & in ea perseuerauerint, simul
atque repente uenerit ille dies domini, magnus & terribilis, tum ap-
parebit illorum infelicitas, quos hic mundus felicissimos iudicauit, &
beati declarabuntur omnes, qui non posuerunt fiduciam suam in hu-
iuis mundi præsidij, non in operibus suis, sed in bonitate domini Iesu
Christi. Iam tempus est, ut ad proximum psalmum transeamus, idqz
faciemus aspirante spiritu Iesu Christi, si prius ostenderimus mysticū
huius psalmi sensum latius & ad uarias personas, uariaqz tempora
professi posse, sic ut hodie quoqz ad unumquemqz nostrum pertine-
at, Primum sensus historicus, tametsi friget quoties ad allegoriam ac-
ceditur, tamen frequenter & plurimū adfert lucis, & gratiæ non parū
addit sensui mystico. Huius rei si quis uolet experimentum capere, le-
gat Arnobij commentarium in psalmum David, deplorantis pecca-
tum suum, cuius initium: Miserere mei deus secundum magnam mi-
sericordiam tuam. Nec tamen est necesse, ut omnes uaticinij partes ad
amissim quadrant, uel historico sensui, uel allegorico, quod s̄æpe quā-
dā admisceatur in hoc, ut cohæreat narrationis series. Rursus alia, quā
quoniam iuxta sensum historicum absurdā sunt, cogant nos ad alle-
goriam configere. Proximus gradus est, ut uaticinium propriè accom-
modetur Christo, demonstreturqz iam olim de illo fuisse prædictum
prophetarum oraculis, quod aperte & sine inuolucris Euangelica nar-
rat historia. Atqz hic sensus præsertim in psalmis ferè perpetuus est, in
hoc sanè etiā irrefragabilis scripturæ autoritate cōmōstratus, quēadmo-
dum ostēdimus. Huius tractatio mea quidē sententia, difficillima est.

Nam

Nam hoc recte peruestigato, non magni negocij est, sensum eundem à capite ad membra, & ab ætate qua Christus uersatus est in terris, ad præcedētia aut sequētia tēpora deriuare. Quod enim à pharisæis, regibus & populo suo passus est Christus, hoc & ab impijs ante passi fuerant pñj, & post Christū passi sunt apostoli. Imò quemadmodū ab ore condito, semper mūdus perseguutus est ueros dei cultores, ita usq; ad finem seculorū futurum est. Cæteraq; quodammodo & facta sunt semper & fuerūt, quæ de irrisione diuina, de ira & furore, de reuocatione ad cultū filij dei, de terrore supremi iudicij scribūtur in hoc psalmo. Veritas Euāgelica Christus est: autor rerū fluxarū mundus est. Deniq; in suis mēbris patitur aut refocillatur Christus. Superest extremus gradus, quū scripturæ sensus priuatim ad unū quenq; nostrū refertur, totūq; quod in reliquis sensibus per uarias personas gestū est, in uno geritur homine, ueluti quoties ira, libido, ambitio, auaricia mētem nostram sollicitant ad ea, quæ aduersantur Euāgelicæ doctrinæ, tū quodammodo fremunt gentes, populi meditantur inania. Quod si ratio quoq; cesserit cupiditatū tumultibus, tunc assistunt reges terræ. & principes conueniunt in unū aduersus dominū, & aduersus Christū eius. Sed interim animus resipiscens, memorq; pristinæ libertatis, ac pervesus duræ seruitutis, qua seruit peccatis, clamat: Disrumpamus uincula eorū, & proīciamus à nobis iugum ipsorū. Et hunc conatū nostrū ad iuuat è cœlis dominus, sic irridēs ac subsannans nos, ut tantisper sinat nos obsequi cupiditatibus nostris, donec ipsi docti malis intelligamus ex quibus rebus nobis pollicebamur mirificā felicitatē, ex his summā calamitatē euenissemus. Mox loquitur nobis in ira, ob oculos ingerēs terrorēm æterni supplicij, & conturbat nos horrore uitæ, in qua uersati sumus. Deinde sic afflictis & conturbatis ostendit unde salutem sperare oporteat, proponit nobis filium suū, qui dicit omnibus: Venite ad me omnes qui laboratis. Monet ut huius legibus obtemperent animi cupiditates, ad huius præceptum sese cōponat humana ratio, atque huic uni regi cunctorū ita seruiamus, ut simul exultemus de illius immensa erga nos bonitate, & semper in metu simus, nimirū diffidentes factis ac uiribus nostris, non iudicantes nosmetip̄sos, sed omnem spem ac fiduciam habentes in illius inæstimabili benignitate, per quam salutem æternā assequūtur, qui toto pectore ad illū configiunt, cui laus & gratiarum actio, cum patre & spiritu sancto in omne æuum, Amen.



BASILEAE IN AEDIBVS IO. FROBENII
AN. M. D. XXII. MENSE SEPTEMBRI.

non magni negocij est, sensum eundem
e qua Christus uersatus est in terris, ad
deriuare. Quod enim à pharisæis, regi
christus, hoc & ab impijs ante passi fue-
unt apostoli. Imò quemadmodū ab or-
sequutus est ueros dei cultores, ita usq;
Cæteraque quodammodo & facta sunt
ne diuina, de ira & furore, de reuocatio-
nepremi iudicij scribūtur in hoc psalmo.
:autor rerū fluxarū mundus est. Deni-
focillatur Christus. Superest extremus
riuatim ad unū quenq; nostrū refertur,
is per uarias personas gestū est, in uno
ira, libido, ambitio, auaricia mētem no-
versantur Euāgelicæ doctrinæ, tū quo-
puli meditantur inania. Quod si ratio-
ntibus, tunc assistunt reges terræ. & prin-
sus dominū, & aduersus Christū eius.
s, memorq; pristinæ libertatis, ac perte-
peccatis, clamat: Disrumpamus uincula
gum ipsorū. Et hunc conatū nostrū ad
es ac subsannans nos, ut tantisper sinat
ris, donec ipsi docti malis intelligamus
amur mirificā felicitatē, ex his summā
quitur nobis in ira, ob oculos ingerēs ter-
rbat nos horrore uitæ, in qua uersati su-
turbatis ostendit unde salutem sperare
n suū, qui dicit omnibus: Venite ad me
et huius legibus obtemperent animi cu-
sele cōponat humana ratio, atque huic
s, ut simul exultemus de illius immensa
metu simus, nimirū diffidentes factis
es nos meti p̄sos, sed omnem spem ac fi-
mabili benignitate, per quam salutem
ctore ad illū configiunt, cui laus & gra-
itu sancto in omne æuum, Amen.

I ROTEROD. IN PSALMVM.
NT GENTES, F I N I S.

